

Siunnersuummut oqaaseqaatit

Oqaaseqaatit nalinginnaasut

1. Aallarniut

1.1. Siunnersuutip tunuliaqutai pingaarnertullu siunertai

Kalaallit Nunaanni imartani uuliamik misissuineri ingerlataqarneq ukiuni takkuttussani annertusissasoq naatsorsuutigineqarpoq. Piffissalli matuma nalaani uuliamik maangaannartitsisoqarnissaanut upalungaarsimanerme piginneqatigiiffimmik nammineertumik Kalaallit Nunaat pigisaqanngilaq. Taamaammat Kalaallit Nunaanni piginneqatigiiffimmik uuliamik maangaannartitsinissamut upalungaarsimaffimmik nunamut tamarmut atuuttumik inerisaanissaq naleqquttuuvoq, taamaalillunilu upalungaarsimanermik sammisaqarnermi nunanik allanik isumalluuteqarneq annikillisinneqartussaalluni.

Inuiaqatigiinni aningaasarsiorneq pillugu isumaqatigiissutissap, Impact Benefit Agreement-imik taaneqartartoq (IBA-mik isumaqatigiissut), Cairn Energymik Naalakkersuisut isumaqatigiinniuteqarnerannut atatillugu, upalungaarsimanerme atortut amerlanersaat Namminersorlutik Oqartussanut tunniunnissaat pillugu Cairn 2010-mi imminut pisussaattippoq. Atortunik tunniussinerme siunertaavoq Kalaallit Nunaanni uuliamik maangaannartitsinerme nuna tamakkerlugu piginneqatigiiffimmik upalungaarsimaffimmik inerisaasinnaanermut tunngaviliinissaq.

Taamaammat piginneqatigiiffimmik uuliamik maangaannartitsinissamut upalungaarsimaffimmik Namminersorlutik Oqartussanit pigineqartumik Greenland Oil Spill Response A/S-imik taaguuserneqartumik Namminersorlutik Oqartussat Naalakkersuisut sinnerlugit pilersitsissasut siunnersuutigineqarpoq.

Piginneqatigiiffiup pingaarnertut siunertarissavai Kalaallit Nunaanni aatsitassarsiornerup iluani uuliamik mingutsitsinissamut upalungaarsimaneq, uuliamik mingutsitsinissamik akiuineq, uuliamik mingutsitsisimanerup kingorna avatangiisinik salinerme tunngassuteqartunik ingerlatsineq, suliallu tamakkununga eqqaanartut allat samminissaat. Siunertarineqarpoq ukiut amerlavallaanngitsut iluanni piginneqatigiiffik tamakkiisumik ilaannakortumillunniit namminersortunngorsarneqassasoq. Namminersortunngorsaaneq

Kalaallit Nunaanni uuliamik sammisaqarnerup inuussutissarsiutitut nutaatut ineriartornera ilutigalugu pissaaq.

Siunissamut ungasinnerusumut siunertaavoq piginneqatigiiffiup piginneqatigiiffittut uuliamik maangaannartitsinermi upalungaarsimaffittut eqeersimaartutut nunat tamat malittarisassaat malillugit ineriartortinneqarnissaa. Tamanna anguniarsarinqassaaq, ilaatigut uuliasiornermi upalungaarsimanermi atortunik amerlanerusunik piginneqatigiiffinnik uuliasiortunik isumaqatigiissuteqarnikkut piginneqatigiiffimmut pigineqartussatut tunniussisarnissaaq, aappaatigullu piginneqatigiiffiit uuliasiortut piginneqatigiiffiup atortuinik atuisinnaanerminni pisariaqalissappallu atortunik atuinnermut akiliuteqartittarnerisigut.

Siunnersuut Naalakkersuisut politikkiannut tulluuppoq, tassalu aatsitassarsiornermik sammisaqarnermi isumannaallisaaneq, avatangiisit, isumalluutunik atorluaaneq inuiaqatigiinnilu akornutaanngitsumik atajuartitsinissaaq eqqarsaatigalugit kiisalu pissutsit assingusut ataanni nunat tamat torersumik iliortarnerat akuerisaasoq malillugu isumannaatsumik ingerlanneqassasoq. Aatsitassanut inatsisip §§ 1 aamma 83-iat tamatumani piunasaqaatinik assingusunik imaqarpoq.

Taamattaaq siunnersuut Naalakkersuisut politikkiannut tulluuppoq, aatsitassarsiornermik sammisaqarnerup Kalaallit Nunaata ataatsimoortumik aningaasarsiorneranut inuussutissarsiornerullu ineriartortinneranut siuariartortinneranullu peqataasussatut ineriartortitsiviullunilu siuariartorfiusussaasoq.

Siunnersuutip siunertaraa kalaallit piginneqatigiiffianik pilersitsinissamut, uuliamik mingutsitsinissamut upalungaarsimaneq, uuliamik mingutsitsinissamut akiuutit, uuliamik mingutsitsinerup kingorna avatangiisinik saliineq kiisalu Kalaallit Nunaanni aatsitassarsiornerup iluani ingerlatat tamakkununnga assingusut eqqarsaatigalugit sammisanik ingerlataqartumik politikikkut anguniakkanut tamakkununnga piviusunngortitsinissamut ingerlatsinermillu naleqqussaannermut peqataasussaaq. Tamatumunnga atatillugu piginneqatigiiffik aammattaaq Kalaallit Nunaanni aatsitassarsiornermik sammisaqarnerup iluani uuliamik mingutsitsinissamut upalungaarsinermut, ingerlatsinermut inerisaanermullu taamaalilluni peqataasinnaavoq. Taamattaaq piginneqatigiiffik ingerlatanik tamakkununnga assingusunik ingerlatsisinnaavoq.

Piginneqatigiiffiup pilersinneqarnerata ingerlanneqarneratalu Kalaallit Nunaanni aatsitassanik sammisaqarnermi uuliamik mingutsitsinissamut upalungaarsimanermik aamma Namminersorlutik Oqartussat uuliamik mingutsitsinissamut upalungaarsimanermut sunniuteqarnerannut nukittorsaassaaq.

Piginneqatigiiffik uuliamik mingutsitsinissamut upalungaarsimanermut atugassanik atortunik pigisaqassaaq, akiliisitsillunilu Kalaallit Nunaanni aatsitassarsiornerup iluani

sammisaqarnermi piginnaatitsissummik pigisaqartunut ingerlataqartunullu allanut attartortissinnaallugit. Atortut Kalaallit Nunaanniitinneqassapput. Taamaalilluni atortut Kalaallit Nunaanniitinneqartuarnissaat Kalaallit Nunaannilu atorineqarsinnaanerit qularnaarneqassaaq.

Atortut eqqarsaatigalugit aningaasartuutit, tamakkununga ilaallutik piareersimatinnissaannut atornissaannullu aningaasartuutit, atortut assingusut Kalaallit Nunaaniunngitsoq nunani allaniitinnerannit kiisalu piginneqatigiiffinit nunani allaneersunit aningaasarsiorfiusunit pigineqarlutik uninngatinneqarnerannut naleqqiullugu aningaasartuutit ikinnerussapput. Aningaasartuutit ikinnerulernerannut ilaatigut peqquataavoq atortunik nunanit allanit Kalaallit Nunaannut assartuisarnissaq pisariaarutissamat.

1.2. Piginneqatigiiffiup nalinginnaasumik tunngavii inuussutissarsiornermullu tunngasut

1.2.1. Piginneqatigiiffiup pilersinneqarneranut tunngavii ingerlataalu

Taaneqareersutut upalungaarsimanermut atortunik amerlasuunik Cairn Energymit pissarsinissaq pillugu Namminersorlutik Oqartussat Cairn Energymik isumaqatigiissuteqarsimapput. Tamatumani Namminersorlutik Oqartussat peqataanerannut aallaaviuvoq, Namminersorlutik Oqartussat pigisanik aningaasarsiuutigalugu atorluarneqarsinnaasunik maanna pigisaqalermata, siunissarlu ungasinnerusoq eqqarsaatigalugu Kalaallit Nunaanni namminersorlutik ingerlataqartut siuariartornissaannut ilapittuutaasinnaalluni. Piffissami aallarnisaaffiusumi Namminersorlutik Oqartussat piginneqatigiiffimmik piginnittuunissaat pisariaqarpoq. IBA pillugu Namminersorlutik Oqartussat isumaqatiginninniarnissaannut atatillugu uuliamik maangaannartitsinermit upalungaarsimanissamat atortunik piginneqatigiiffinit uuliasiortunit pissarsinissamik kissaatigisaat taamaalilluni Naalakkersuisut saqqummiussisinnaassapput.

Misissuinissamat piiaanissamullu ingerlatat, tamakkununga ilaallutik aatsitassarsiornerup iluani sanaartornermit tunisassiornermilu ingerlatat, aatsitassanut inatsimmit aamma aatsitassarsiornermullu akuersissutit tulluussarneqarput. Inatsit akuersissutillu piginnaatitsissummik pigisaqartut akuersissut malillugu ingerlatassatik pillugit pilersaarutit nassiussisarnissaannut Naalakkersuisut piimasaqaatinik aalajangersaasinnaatippaat, tamakkununga ilaallutik uuliamik maangaannartitsinermit upalungaarsimanissamat pilersaarut Naalakkersuisuni akuerisassanngorlugu nassiunneqartussaq.

Ukiuni takkuttussani imartani uuliamik misissuilluni ingerlatat annertusinissaat naatsorsuutigineqarmat, Impact Benefit Agreement pillugu isumaqatigiinniarnermut atatillugu upalungaarsimanermut atortut amerlangaatsiartut Namminersorlutik Oqartussanut tunniunniarlugit Cairn Energy'p 2010-mi isumaqatigiissut atsiorpaa. Atortunik tunniussinermit siunertaavoq, suliffeqarfimmik Kalaallit Nunaannut tamarmut uuliamik maangaannartitsinissamat upalungaarsimaffimmik inerisaanissamat

tunnjaviliinissaq, taamaalilluni upalungaarsimanermi Europami Amerikallu Avannaani suliffeqarfinnik isumalluuteqarneq annikillisinneqassalluni.

Namminersorlutik Oqartussat aallarniutaasumik peqataanerannut aallaaviuvoq, Namminersorlutik Oqartussat maanna pigisanik pigisaqalermata aningaasarsiutigalugit atorluarneqarsinnaasunik, siunissami ungasinnerusumi Kalaallit Nunaanni suliffeqarfinnik namminersorlutik ingerlasunik siuariartortitsinissamut ilapittuutaassalluni. Piffissami aallarnisaaffiusumi Namminersorlutik Oqartussat piginneqatigiiffimmik piginnittuunissaat pisariaqarpoq, siunissami IBA pillugu isumaqatigiissutit isumaqatigiinniutiginnissaannut atatillugu suliffeqarfiit uuliasiornermik ingerlataqartut uuliamik maangaannartitsinissamut upalungaarsimanermi atortunik tunniussisarnissaat ilanngunneqarsinnaaniassammat.

Taamattaq, piginneqatigiiffik kalaallinit pigineqartoq niuerfimmi ukiuni takkuttussani qularnanngitsumik annertungaatsiartumik ineriartortinneqartussami ”qimuttutut” atuuppat Kalaallit Nunaanni inuussutissarsiornermik ingerlataqartunut iluaqutaassaaq. Taamaammat Kalaallit Nunaanni uuliamik aamma/imaluunniit gassimik aningaasarsiutaasinnaasumik nassaartoqassappat, piginneqatigiiffimmik pilersinneqareersimasumik pigineqartoqarpat iluaqutaassaaq, upalungaarsimanermi kiffartuussisarnissamut pisariaqartitsineq annertusisussaammat.

GOSR A/S’ip ingerlanneqarneranut aningaasalersorneqarnera pisartagaqartutut aaqqiissut aamma sullinneqarnernit aalajangersimasunit isertitat akuleriisillugit, tamakku akuersissuteqartut akilertagassaat. Kalaallit Nunaata imartaani misissueqqaarnissamut imaluunniit kisermaassinissamut akuersissummik pissarsissagaanni tunnavigineqassaaq, nunap iluata sannaanik paasissutissanik katersineq misissuillunilu qillerinerit ingerlanneqartussaammata, tassa imaalluni; ingerlatat uuliamik mingutsitsinermik kinguneqarsinnaasut, akuersissummik pigisaqartut suliffeqarfimmik uuliamik maangaannartitsinissamut upalungaarsimaffimmi kalaallinit pigineqartumi aalajangersimasumik pisartagaqarnissaanik pissusaaffileraanni pissusissamisuussaaq, suliffeqarfik unammillersinnaassuseqarpat. Pisartagaqartutut aaqqiissut aalajangersimasooq sullissinernillu aalajangersimasunik isertitat taama akuleriisinnerisigut piginneqatigiiffik isertitassanik patajaatsunik qulakkeerinniffigineqassaaq, piffissani uuliamik ingerlataqarneq annikikkaluarpalluunniit.

Namminersorlutik Oqartussat aallarniutaasumik GOSR A/S’imik piginnittuunissaat arlalinnik aalajangersimasunik tunnaveqarpoq. Taamaalilluni politikikkut Namminersorlutik Oqartussat namminersortut inuussutissarsiornermi ingerlataannut peqataanissaanik kissaateqarnermut tunuliaquteqanngilaq.

Namminersorlutik Oqartussat niuernikkut suliffeqarfimmi peqataanerat kiisalu namminersortutut inatsisitigut piginneqatigiiffilioriaatsimik atuinerat

nalinginnaangitsuunngilaq. Taamaalilluni piginneqatigiiffiit Namminersorlutik Oqartussanit pigineqartut Kalaallit Nunaanni sammisanik ingerlataqartut arlaliunerinut assersuutissaqarpoq. Tamatumunnga tunngavigineqartut amerlasuujupput. Namminersorlutik Oqartussat GOSR A/S'imik pilersitsinermut atatillugu piginneqataanerannut piginneqatigiiffioriaatsimillu toqqaanermut iluaqutaanerpaajunersut, sullissinerillu aalajangersimanagerusut ingerlanneqarnissaannut sooq toqarneqarnerannut tunngavilersuutit ataani tunngavilersuutigineqarput.

Namminersorlutik Oqartussat aallarniutaasumik peqataanerannut aallaaviuvoq, Namminersorlutik Oqartussat pigisanik aningaasarsiornikkut atorluarneqarsinnaasunik pigisaqalermata, kiisalu piginnaasanik Kalaallit Nunaanni imaaliallaannaq piginnaaffigineqanngikkaluanik piginnaasaqalissamma, akerlianilli piffissap ingerlanerani inerisarneqarnissaat naatsorsuutigineqarluni, ilaatigut GOSR A/S aqqutigalugu.

Namminersorlutik Oqartussat piginnittuunissaat pisariaqarpoq, IBA-mi periutsimut atatillugu atortunik nutaanik amerlanerusunillu pissarsinissamut tunngasunik isumaqatigiinniartoqartartussaamma. GOSR A/S Namminersorlutik Oqartussanit pigineqanngitsuuppat siunissami atortut pillugit isumaqatigiinniuteqarnissat taama assingusumik periarfissaqassanngikkaluarpoq.

Piginneqatigiiffiup aaqqissuunneqarnissaata toqarneqartup kingunerissavaa, Namminersorlutik Oqartussat peqataassanatillu sunniuteqarnissaallu pinngitsoortissammata, kiisalu piginneqatigiiffiup aningaasartuutaanut isertitaannullu, Namminersorlutik Oqartussanit pigineqaraluarluni aningaasanut inatsimmut ilaatinneqassanngimmata, piginneqatigiiffiup aningaasaatai immikkoortinneqassammata, piginneqatigiiffillu allaffissornikkut inissitsiterinernut nalinginnaasunut ilaasussaanani.

Namminersorlutik Oqartussat GOSR A/S'imik piginnittuuneranut taamattaq tunngavilersuutigineqarpoq, Namminersorlutik Oqartussat soqutigisaat isumagineqassammata, inuussutissarsiornermilu politikikkut aaqqiissutitut isigineqartussaalluni. Tamaammat politikikkut anguniakkat allat eqqarsaatigalugit periarfissaqartuarnissaa qulakkeerneqassaaq.

1.2.2. Takorluukkat

Piginneqatigiiffimmut nalinginnaasumik takorluugaavoq, suliffeqarfik uuliamik maangaannartitsinissamut upalungaarsimatitatut tamakkiisumik ineriartortinneqarsimasutut piginneqatigiiffittut inerisarneqassasoq, nunat tamat assigiissaarutaat pitsaanerpaat malillugit 60° N-ip avannaani tamarmi kiffartuussutinik sullissinernik atortunillu pilersuisinnaasutut.

Ilaatigut anguniarneqassapput:

imartani nillertuni sikoqartunilu uuliamik maangaannartitsinissamut akiuinnermut tunngasuni ilisimatusarnerup nangeqqinneqarneranut peqataanissaq anguneqassasoq.

Global Response Networkimut ilanngunnikkut, piginneqatigiiffiit uuliamik maangaannartitsinermi upalungaarsimatinnegartut nunarsuarmi annerit arfineq marluusut akornanni suleqatigiissitaasumut peqataaneq anguneqassasoq.

Piginneqatigiiffiit uuliamik maangaannartitsinissamut upalungaarsimatitat angisuut ilutigalugit piginneqatigiiffik sulisunik aalajangersimasumik atorfeqartitaasunik amerlasuunik sulisoqassanngitsoq naatsorsuutigineqarpoq.

1.3. Piginneqatigiiffiup niuernikkut tunngavii

Piginneqatigiiffiup niuernikkut tunngavigaa akiliuteqartitsilluni uuliamik maangaannartitsinermi upalungaarsimanermut atortunik aatsitassanik akuersissutit malillugit piginnaatitsissutinik pigisaqartunut atortitsisarnissaq. Siunissaq ungasinnerusoq eqqarsaatigalugu suliffeqarfiup piginneqatigiiffittut uuliamik maangaannartitsinermi upalungaarsimasutut tamakkiisumik ineriartortinneqarluni inerisarneqarnissaa, nunani tamani pitsaassutsit pitsaanerpaat malillugit sumiiffinni 60° N-ip avannaani tamarmi kiffartuussutinik sullissinernik kiisalu atortunik isumaginnissinnaasoq.

Piginneqatigiiffiup tunuliaqutai niueqatigiinnermilu tunngavii il.il. siunnersuummut immikkut oqaaseqaatini ilanngunneqartumi erseqqinnerusumik nassiuarneqarput.

2. Siunnersuummi immikkoortut pingaernerit

2.1. Piginneqatigiiffiup pilersinneqarnera siunertaalu

Siunnersuut malillugu Namminersorlutik Oqartussat piginneqatigiiffiup pilersinneqarnerani aktiatigut aningaasaatinik 500.000 kr.-inik aningaasartalimmik pilersitsissapput.

Piginneqatigiiffiup taaguutigaa Greenland Oil Spill Response A/S.

Piginneqatigiiffiup aktiatigut aningaasaatai Namminersorlutik Oqartussanit pisinermi pisinnaatitsissutaallutillu akilerneqartassapput. Aktiatigut aningaasaatit pigisanik aningaasaliinikkut akilerneqartassapput, taakku tassaasut atortut uuliamik mingutsitsinissamut upalungaarsimanermut, uuliamik mingutsitsinissamik akiuinermit, uuliamik mingutsitsinerup kingorna avatangiisinik saliinermit assigisaannulluunniit atugassanik.

Piginneqatigiiffik uuliamik misissuinermit sammisaqartoq Cairn Energy imminut pisussaatiippoq upalungaarsimanermut atortut amerlasuut Namminersorlutik Oqartussanut tunniussinnaassallugit. Atortut piginneqatigiiffimmi aktiatigut aningaasaatinik akiliutitut atorneqassapput.

Piginneqatigiiffiup pingaarnertut siunertarissavai Kalaallit Nunaanni aatsitassarsiornerup iluani uuliamik mingutsitsinissamut upalungaarsimaneq, uuliamik mingutsitsinissamik akiuineq, uuliamik mingutsitsisimanerup kingorna avatangiisinik saliinermit tunngassuteqartunik ingerlatsineq, suliallu tamakkununnga eqqaanartut allat samminissaat. Piginneqatigiiffiup aamma siunertarissavaa Kalaallit Nunaanni aatsitassarsiornerup iluani uuliamik mingutsitsinissamut upalungaarsimanermik pilersitsinissamut, ingerlatsinissamut inerisaanissamullu peqataanissaq. Taamattaq piginneqatigiiffik sulianik suliaminut assingusunik ingerlataqarsinnaavoq.

2.2. Piginneqatigiiffiup ingerlatsinera aningaasalersorneralu

Piginneqatigiiffik aktieselskabitut suliffeqarfiussaaq namminersortoq, Namminersorlutik Oqartussanut aamma Naalakkersuisunut aningaasatigut akisussaaffiliinani sammisanik ingerlatsisussaq.

Piginneqatigiiffik sammisaminik ingerlatsinissaminut aningaasanik taarsigassarsinnaanngilaq, tamakkununnga ilaallutik sanaartukkanik aningaasaliinissamut aningaasalersuineq, aningaasanik taarsigassarsinissaq ataatsimeersuartunit akuerineqarsimangippat. Aningaasanik taarsigassarsineq taamaallaat pisinnaassaaq aningaasalersuinissamut aningaasaliinissamullu pilersaarut ataatsimeersuartunit akuerineqarsimasoq tunngavigalugu.

2.3. Piginneqatigiiffimmi aktiaatinik Namminersorlutik Oqartussat tunisinerat

Namminersorlutik Oqartussat 1. januar 2016-ip kingorna piginneqatigiiffimmi aktiaatit 1/3-ii angullugit tunisinnaassavaat, 1. januar 2018-ip kingorna aktiaatit 2/3-ii angullugit kiisalu 1. januar 2020-ip kingorna aktiaatit tamakkerlugit tunisinnaallugit.

2.4. Piginnaatitsissummik pigisaqartut allallu piginneqatigiiffiup kiffartuussutai pillugit

isumaqatigiissuteqartut

Aatsitassat pillugit akuersissutit malillugit piginnaatitsissummik pigisaqartoq uuliamik mingutsitsinissamik upalungaarsimanissamut tunngasuni kiffartuussutinik isumaginninnissaq assigisaallu pillugit sullinneqarnissanut piginneqatigiiffimmik isumaqatigiissuteqassaaq eqqortissallugillu, piginneqatigiiffik kiffartuussutinik taamaattunik isumaginninnissamut neqerooruteqarpat, akuersissullu malillugu akuersissummut attuumassuteqarpata imaluunniit ingerlatat akuersissummut ilaappata.

Sullinneqarnissamik isumaqatigiissut taamaattoq pisuni assigiinngitsuni sisamani isumaqatigiissutigineqassaaq eqquutsinneqarlunilu.

Sullinneqarnissamik isumaqatigiissummi piomasaaqatinut tunngasunut siullertut atuuppoq, akuersissut Kalaallit Nunaata imartaani ilorpasinnerusuni imaluunniit imartat oqartussaaffiusut iluanni, imartani 200 sømilinut killeqarfiup iluani imaluunniit Kalaallit Nunaata eqqaani nunavissuit naapiffiini ikummatissanik misissueqqaarnissamut, misissuinissamut imaluunniit piaanissamut akuersissutaappat. Taamaappat piginnaatitsissummik pigisaqartoq piffissap akuersissuteqarfiusup ingerlanerani sullinneqarnissamut pisartagaqartutut akiliummik akiliissaaq kiisalu ingerlatat isumagineqarpata piareersimanissamut akiliummik, aammalu kiffartuunneqarnermik isumaginnittoqarnerani kiffartuunneqarnermut akiliummik akiliissaaq. Akiliutit assigiinngitsut pingasut ataani eqqartorneqarput.

Sullinneqarnissamik isumaqatigiissummi piomasaaqatinut tunngasunut aappaattut atuuppoq, akuersissut Kalaallit Nunaata nunataani nunaminertani ikummatissanik imaluunniit aatsitassanik misissueqqaarnissamut, misissuinissamut imaluunniit piaanissamut akuersissutaappat, aamma Kalaallit Nunaanni imaluunniit imartat oqartussaaffiusut iluanni imaluunniit Kalaallit Nunaata eqqaani imartani 200 sømilinut killeqarfiup iluani akuersissummi ingerlatsinermut atatillugu umiarsuarnik angallatinilluunniit allanik atuinermi. Taamaappat piginnaatitsissummik pigisaqartoq ingerlatat isumagineqarpata piareersimanissamut akiliummik, aammalu kiffartuunneqarnermik isumaginnittoqarnerani kiffartuunneqarnermut akiliummik akiliissaaq.

Sullinneqarnissamik isumaqatigiissummi piomasaaqatinut tunngasunut pingajuattut atuuppoq, akuersissut aatsitassanut inatsimmut ilaasunik ingerlatassanut atugassanik ruujorikkut aqquutissanik pilersitsinissamut ingerlatsinissamullu akuersissutaappat, ruujorikkullu aqquut Kalaallit Nunaanni imartat ilorpasinnerusut iluanni imaluunniit imartat oqartussaaffiusut iluanni imaluunniit Kalaallit Nunaata eqqaani imartani 200 sømilinut killeqarfiup iluani tamakkiisumik ilaannakortumilluunniit pilersinneqarpata. Taamaappat piginnaatitsissummik pigisaqartoq piffissap akuersissuteqarfiusup ingerlanerani sullinneqarnissamut pisartagaqartutut akiliummik akiliissaaq kiisalu ingerlatat isumagineqarpata

piareersimanissamut akiliummik, aammalu sullinneqarnermik isumaginnittoqarnerani kiffartuunneqarnermut akiliummik akiliissaaq.

Sullinneqarnissamik isumaqatigiissummi piumasaqaatinut tunngasunut pisuni allani sisamaattut atuuppoq, Naalakkersuisut tamakku pillugit malittarisassanik aalajangersaagaangata.

Taamaattorli sullinneqarnissamik isumaqatigiissummi piumasaqaatinut tunngasut atuutissanngillat, kiffartuussutit imaluunniit piginneqatigiiffiup kiffartuussutinik isumaginninnissamut atugassarititai teknikkikkut imaluunniit aningaasarsiorneq eqqarsaatigalugu malunnartumik unammillersinnaassuseqanngippata, piginnaatitsissummillu pigisaqartup tamanna uppersarpagu.

Sullissinerit sullinneqarnissamik isumaqatigiissummut ilaasut niuernermit akit aamma niueqatigiinnermi piumasaqaatit naapertorlugit isumagineqartassapput. Taamaattorli akit aamma piumasaqaatit piginneqatigiiffiup Kalaallit Nunaanni aatsitassarsiornerup iluani uuliamik mingutsitsinermit upalungaarsimanermit pilersitseqataanissaa, ingerlatsinissaa aamma inerisaanissaa eqqarsaatigalugit aalajangersarneqassapput. Piginneqatigiiffiup tamatumunnga atatillugu aningaasartuutai kiffartuussutinik pissarsisup piginneqatigiiffiup kiffartuussutaanut akiliutit akilernerisigut taamaalilluni matussuserneqartariaqarlutik.

Piginneqatigiiffiup sullissineranut akiliutit sullinneqarnissamut isumaqatigiissummut ilaasut ilaatigut akileeriaatsit assigiinngitsut pingasut aalajangerneqarsinnaapput.

Akileeriaaseq siulleq tassaavoq aningaasat amerlassusii, piffissap iluani piginneqatigiiffiup sullissinissaanik isumaginninnissamut akilernerneqartussat, tassani ingerlatat isumagineqarsimanersut isumagineqarsimannnginnersulluunniit apeqqutaatinnagu, kiisalu kiffartuussutit aalajangersimasut pissarsiarisimagaanni pissarsiarisimannikkaanniluunniit apeqqutaatinnagu. Taanna sullinneqarnissamik pisartagaqartutut akiliummik taaneqarpoq.

Akileeriaatsit aappaat tassaavoq aningaasat amerlassusii, piffissap iluani piginneqatigiiffiup sullissinissaanik isumaginninnissamut akilernerneqartussat, tassanili apeqqutaatinnagu kiffartuussutit aalajangersimasut pissarsiarineqarsimanersut imaluunniit pissarsiarineqarsimannnginnersut. Taanna piareersimanissamut akiliummik taaneqarpoq.

Akileeriaatsit pingajuat tassaavoq, aningaasat amerlassusii, kiffartuussutinut aalajangersimasunut pissarsiarineqarsimasunut akilernerneqartut. Taanna taaneqarpoq sullinneqarnermit akiliutit, ilaatigullu tassaasinnaalluni upalungaarsimanermit atortunik atuinermi (imaluunniit attartornermit) atuinermut akiliutit (imaluunniit attartornermit akiliutit).

Sullinneqarnissamut pisartagaqarnermut akiliut siumoortumik piffissakkaartumik akilerneqartassaaq. Tamatumani assingusumik atuuppoq piareersimanissamut akiliut, sammisap isumagineqarnissaanut ingerlatap annertussusia siumoortumik ilisimaneqarsimappat.

2.6. Aktieselskabit pillugit inatsisit

Aktieselskabit pillugit inatsisit, ukiumoortumik naatsorsuusiornissamut inatsisit aamma aktieselskabit pillugit inatsisit allat, Kalaallit Nunaannut atuutsinneqartut, piginneqatigiiffimmut atuupput, Inatsisartut inatsisaanni matumani allannguutit ilassutillu ilanngullugit kiisalu siunnersuut malillugu aalajangersakkat aalajangiunneqarsimasut ilanngullugit.

3. Aningaasarsiornermi allaffissornermilu pisortanut kingunerisassat

Atortut piginneqatigiiffiup ingerlatsineranut atorneqartussat Kalaallit Nunaanniitinneqassapput, atortullu eqqarsaatigalugit aningaasartuutit, tamakkununga ilaallutik atorsinnaatinnissaannut atornissaannullu aningaasartuutit, atortut assingusut Kalaallit Nunaaniunngitsoq nunani allaniitinnerannit kiisalu piginneqatigiiffinit nunani allaneersunit aningaasarsiorfiusunit pigineqarlutik uninngatinneqarnerannut naleqqiullugu aningaasartuutit ataatsimut isigalugit ikinnerussallutik. Aningaasartuutit ikinnerulernerannut ilaatigut aamma pequtaassaaq, atortut piginneqatigiiffimmut pigisatut ilanngunneqassammata akiliutinik sunilluunniit akiliinertaqanngitsumik, tamatumunngalu atatillugu piginneqatigiiffiup atortut piginnaatitsissummik pigisaqartunut atorsinnaangortinneranni akiliutigittagai, atortunik pisiortornermi aningaasartuutinik matussusiissanatik.

Piginneqatigiiffiup pilersinneqarnera ingerlanneqarnissaalu ataatsimut isigalugu Namminersorlutik Oqartussanut aningaasaqarnikkut pisussaaffiliinernik aarlerinaatinilluunniit nassataqassanngillat, piginneqatigiiffik namminersortuulluni aktieselskabiummat.

Aktieselskabinut malittarisassat (aktieselskabit pillugit inatsimmi § 1, imm. 2) malillugit piginneqataassuteqartut piginneqatigiiffiup pisussaaffiinut (akiitsuinut) sunilluunniit pisussaaffinnik kinguneqassanngillat. Aallaavilli taanna pisut ilaanni uniorneqarsinnaavoq, piginnittuusoq piginneqatigiiffiup ingerlanneqarneranut ima sakkortutigisumik akuliuppat, piginnittoq piginneqatigiiffimmik aqutsisimalluni, kiisalu piginneqatigiiffiup piginnittullu aningaasaatai akuleriisinneqarsimallutik. Pisussaaffiliinermut atuilersitsineq kiisalu aktieselskabit pillugit inatsisip § 1, imm. 2-anik uniuinissamut aallaavik nalinginnaasumik inatsisitigut immikkut piginnaatitsissummik pisariaqartitsissaaq, kukkunerit ingasattut imaluunniit inuup allap piginneqatigiiffik peqatigalugu iliuseqarsimalluni ilisimasimangippagu.

Namminersorlutik Oqartussat piginneqatigiiffimmut qanoq ilisukkut akisussaannersoq pillugu qularuteqartoqarnissaa pinngitsoortinniarlugu § 1, imm. 6, 2. pkt.-imi erseqqissaatigineqarpoq, piginneqatigiiffik nammineerluni suliaqassasoq Namminersorlutik Oqartussanut akisussaaffiliinani ingerlanneqassalluni. Tamannalu atuutissasoq, piginneqatigiiffinnut inatsisitigut malittarisassat nalinginnaasut inernernik allanilluunniit nassataqassagaluarpata.

Taamaalilluni aalajangersagaq marlunnik siunertaqarpoq. Ilaatigut malittarisassat nalinginnaasut innersuussippot, piginneqataassuteqartut piginneqatigiiffimmut akiliutitik sinnerlugit namminneerlutik akisussaaffilerneqassanngitsut, ilutigitillugulu qulakkeerinninnissaq siunertarlugu, taamalluunniit pisoqaraluartillugu aningaasatigut akisussaaffiliinermik uniuneq pillugu eqqarsaatersortoqarneq apequtaatinnagu Namminersorlutik Oqartussat eqqartuussivitsigut suliaasanut peqataanissaq piffissajaatigissanngikkaat. Tamanna ilutigitillugu piginneqatigiiffiup sammisaqarneranut Namminersorlutik Oqartussat akisussaaffinnik sunilluunniit akisussaaffilerneqassanngivissut.

Aalajangersakkami eqqarsaatigineqassaaq piginneqatigiiffik taama pisoqartillugu eqqartuussivimmut tunniussinerit annertuut nalaatissallugit aarlerissutaasinnaammata, eqqartuussivimmut tunniussisumut periutsit assigiissaarluarsimasut nalaattussaammagit, eqqartuussummi peqataasussat sapinngisamik amerlanerpaat taarsiissuteqarnissamut akisussaasusinnaaneq peqataatinniarneqassammata, tamakkununga ilaalluni piginnittoq.

Piginneqatigiiffiup aktiatigut aningaasaatai Naalackersuisut sinnerlugit Namminersorlutik Oqartussanit pilersinneqassappot uppersarsarneqarlutillu (akilerneqarlutik). Aktieselskabit pillugit malittarisassat malillugit aktiatigut aningaasaatit pigisanik pisinermi tamakkiisumik ilaannakortumilluunniit akiliutaasinnaappot, pigisat tassaallutik atortut uuliamik mingutsitsinermi upalungaarsimanermut, uuliamik mingutsitsinissamut akiuutinut, uuliamik mingutsitsinerup kingorna assigisaanniluunniit pisoqartillugu avatangiisinik saliinermi atugassat. Atortunik taaneqartunik pigisanik akiliinikkut (aningaasanngornagit akiliineq) aktiatigut aningaasanik akiliinissamut periarfissaq atorneqassaaq. Namminersorlutik Oqartussat atortut taamaattut 20 mio. kr.-inik nalillit akilissavaat (kukkunersuisumit naalagaaffimmit akuerisamit arlaannut attuumassuteqanngitsumit nalilersuisitsereernerup kingorna). Piginneqatigiiffiup uuliasiornermik sammisaqartup Cairn Energy'p atortut Namminersorlutik Oqartussanut tunniutissavai, siunissami piffissami atortunik atuisinnaaneq periarfissaqarfialugu, pisinermi aningaasanngorlugu akiliutinik sunilluunniit pissarsinertaqanngitsumik. Taamaalilluni Namminersorlutik Oqartussat atortunik pissarsinermi pisinermi aningaasanik sunilluunniit akiliuteqassanngillat.

Siunnersuutip § 3 malillugu piginneqatigiiffik sammisaminik ingerlatsinerminut aningaasanik taarsigassarsinnaanngilaq, tamakkununga ilaallutik sanaartukkanik aningaasaliinissamut, aningaasanik taarsigassarsinissaq ataatsimeersuuartunit akuerineqarsimanngippat.

Aningaasanik taarsigassarsineq taamaallaat aningaasalersuinissamut aningaasaliinissamullu pilersaarut ataatsimeersuartunit akuerineqarsimasoq tunngavigalugu isumagineqarsinnaavoq. Siunnersuummi aalajangerneqarpoq (siunnersuutip § 4-aat), Namminersorlutik Oqartussat piginneqatigiiffimmi piginneqatigiissutinik tamanik imaluunniit piginneqatigiissutinik amerlasuunik siunissami pigisaqassasut, taamaalillunilu piginneqatigiiffiup ataatsimeersuartarnerini taamaaqataanik aamma aalajangiisarnernut annertuumik sunniuteqartassallutik. Namminersorlutik Oqartussat taama aqutsisillugit imaluunniit aalajangiutaasumik sunniuteqartillugit, piginneqatigiiffik aningaasanik taarsigassarsinnaassanngilaq, Namminersorlutik Oqartussat tamanna ataatsimeersuarnerni akerliliillutik taasippata.

Siunnersuutip ilaatigut imarivai piginneqatigiiffimmik pilersitsineq pillugu aalangersakkat, kiisalu ingerlatsinermut tunngasut pillugit aalajangersakkat. Siunnersuut Naalakkersuisut akisussaaffimmik agguasarnerat nalinginnaasoq malillugu aquneqassaaq, taamaalilluni Namminersorlutik Oqartussat piginneqataasutut soqutigisaat tamatumunnga immikkoortortamit nalinginnaasumit isumagineqassallutik, maanna Siulittaasup Naalakkersuisoqarfiata ataani Siulersuisunut Allattoqarfimmit, kiisalu ingerlanneqarneranik il.il. nakkutillineq aatsitassanut oqartussanit isumagineqassalluni.

4. Inuussutissarsiornermik ingerlataqartunut aningaasarsiornikkut allaffissornikkullu kingunissat

Qulaani immikkoortoq 3-mi taaneqareersutut siunnersuutip kingunerissavaa, atortunut aningaasartuutitut tunngasut, tamakkununga ilaallutik atortut piareersimatinnissaannut atorneqarnissaannullu aningaasartuutit, allatut pisoqanngippat atortunut assinginut nunani allani Kalaallit Nunaanniunngitsoq uninngatinneqarunik piginneqatigiiffinnillu nunani allamiunit pigineqarlutik aningaasartuutitut tunngasut ikinnerussapput.

Taamaalilluni siunnersuut atortunik atorsinnaatitsinermi pisariaqartitsineqarpallu atorsinnaaneritut piginnaatitsissutinik pigisaqartunut aningaasartuutitut ikilisaanermik kinguneqarsinnaavoq.

5. Avatangiisinut, pinngortitamut inuillu peqqissusiannut kingunerisassat

Siunnersuut Naalakkersuisut politikkiannut tulluuppoq, tassalu aatsitassanik ingerlataqarneq, isumannaallisaaneq, avatangiisit, isumalluutininik atorluaaneq inuiaqatigiinnullu akornusiinani piujuartitsinissaq eqqarsaatigalugit, kiisalu nunat tamat pissutsini assingusuni suleriaasiat pitsaasoq akuerisaasorlu malillugu isumannaatsumik ingerlanneqassasoq. Aatsitassanut inatsisip § 1-iat aamma 83-iat tamakkununga assingusunik imaqarput.

Qulaani immikkoortoq 1-imi erseqqinnerusumik eqqartorneqareersutut piginneqatigiiffimmik pilersitsineq ingerlatsinerlu Kalaallit Nunaanni aatsitassanik ingerlataqarnermi uuliamik mingutsitsinissamut upalungaarsimaneq kiisalu Namminersorlutik Oqartussat uuliamik mingutsitsinissamut upalungaarsimanermut sunniuteqarnerat nukittorsarneqassaaq.

6. Innuttaasunut kingunissat

Siunnersuut piginneqatigiiffimmut kiisalu aatsitassarsiornissanut akuersissutit malillugit piginnaatitsissutinik pigisaqartunut samminerussaaq. Siunnersuut aallaavittut innuttaasunut kinguneqassanngilaq.

7. Oqartussanik kattuffinnillu tusarniaaneq

Siunnersuut Namminersorlutik Oqartussat nittartagaata tusarniaaffianut ikkunniuvuq, makkunungalu tusarniaassutigineqarsimalluni: Kalaallit Nunaanni Politimesteri, Kalaallit Nunaanni Eqqartuussivik, Grønlands Kommando, Grønlandsbanken, Deloitte, Advokatfirmaet Malling & Hansen Damm I/S, Nuna Advokater, Greenland Oil Industry Association (GOIA), Ineqarnermut, Attaveqarnermut Angallanermullu Naalakkersuisoqarfik, Aningaasaqarnermut Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Nunamut Namminermut, Pinngortitamut Avatangiisinullu Naalakkersuisoqarfik.

Tusarniaanermi piffissaliussaavoq 17. januar 2012-imit 17. februar 2012-imut.

Tusarniaanermi makku akissuteqarsimapput:

Anders J., Aalisarnermut, Piniarnermut Nunalerinermullu Naalakkersuisoqarfik, Ineqarnermut, Attaveqarnermut Angallanermullu Naalakkersuisoqarfik, DMI aamma ARTEK/DTU ataatsimoorlutik, Kalaallit Nunaanni Politimesteri, Grønlands Kommando, KANUKOKA, GOIA, Sulisitsisut Peqatigiiffiat (GA), Sulinermik Inuussutissarsiuteqartut Kattuffiat (SIK) aamma Kalaallit Nunaanni Eqqartuussivik.

Tulliuttuni tusarniaanermi akissutit, avataaniillu tusarniaanerup nalaani allannguutissatut siunnersuutimininnguit takkussimasut sammineqassapput. Malugeqquneqassaaq

tusarniaanermi akissutit uingasunik allanneqarlutik issuarneqartut, pingaarnersiuiinermi naliliineq tunngavigalugu pingaarnersiuinnaarlugit issuarneqarsimammata.

Tusarniaanermi akissutit tamaasa tamarmiutillugit Inatsisartuni ataatsimiititaliamik sammineqartussanngorlugit ilanngullugit nassiunneqarput.

Anders J. siunnersuuteqarpoq, inatsisip oqaasertaani ilanngunneqassasoq, Greenland Oil Spill Response A/S (GOSR A/S) qanoq ilisukkut pisortat ingerlatsiviat ilaatinneqassanersoq ilaatinneqassanngitsorluunniit.

Siunnersuut malinneqanngilaq. Siunnersuut malillugu GOSR A/S aktieselskabiuvoq, Kalaallit Nunaanni uuliamik mingutsitsinissamut upalungaarsimaneq, uuliamik mingutsitsinissamut akiuineq, uuliamik mingutsitsisimanerup kingorna avatangiisinik saliineq aatsitassarsiornerullu iluani tamakkununga assingusunik sammisaminik niuernerpalaarneq tunngavigalugu ingerlatsisussa. Siunnersuut aamma malillugu GOSR A/S ukiualuit ingerlaneranni namminersortunngorsartinneqassasoq siunertaavoq. Piginneqatigiiffiup ingerlatsinerup iluani sulianik sammisaqartinneqarnissaa siunertaanngilaq, namminersortullu inatsisaat tunngavigalugit ingerlanneqassalluni. Ingerlatsinermi tamanut ammasuunissaq pillugi Inatsisartut inatsisaanni oqaaseqaatini ilaatigut allassimavoq, aallaavik erseqqissoq tassaasoq, A/S'i ingerlatsinermi ammasuunermit ilaanngitsoq, taanna ingerlatsinermik sammisaqaraluarpuunniit. Aallaaviup taassuma sukumiisumik erseqqissaatigineqarnissaa pisariaqartinneqarsimanngilaq, siunnersuummi namminermi naammaginartumik allassimasorinarmat GOSR A/S namminersortut inatsisaat tunngavigalugit suliaqartussaasoq, taamaalillunilu Namminersorlutik Oqartussat ingerlatsiviinut ilaasussaanani, naak GOSR A/S ukiuni arlalinni 100 %-imik Namminersorlutik Oqartussanit pigineqartussaasoq.

Aalisarnermut, Piniarnermut Nunalerinermullu Naalackersuisoqarfik siunnersuummut oqaaseqaatissaqanngilaq.

Ineqarnermut, Attaveqarnermut Angallannermullu Naalackersuisoqarfiup pitsaasutut erseqqissaatigaa, siunnersuut uuliamik mingutsitsinissamut upalungaarsimaffiup aaqqissuunneqarnerata tungaanut piginnaatitsissummik pigisaqartunut aningaasartuutinik amerlisaatissatut naatsorsuutigineqanngitsoq. Naalackersuisoqarfiup erseqqissaatigaa, siunnersuummi isummerfigineqanngitsoq, piginnaatitsissummik pigisaqartoq saniatigut pilersuisumik atuinerani kikkut pisartagaqartutut akiutinillu akiliissanersut, tamatumalu siunnersuummi paasitinneqarnissaa ujartorlugu.

Aatsitassanut inatsit malillugu akuersissummi piumasqaataavoq, Kalaallit Nunaanni ikummatissanik misissuunissamut atorluanaanissamullu piginnaatitsissummik pigisaqartoq uuliamik mingutsitsinissamut tunngasuni sunniuteqartumik upalungaarsimasussaasoq, taamallu upalungaarsimanermi saniatigut pilersuisut il.il. tamarmik taama ilaatinneqassasut, taamaalillunilu uuliamik saniatigut pilersuisumit aallaaveqartumik

mingutsitsisoqassagalarpat piginnaatitsissummik pigisaqartoq aamma akisussaasuussasoq. Tamatumunnga ilutigitillugu aatsitassanut inatsimmi § 63, imm. 2 malillugu uuliamik mingutsitsisoqaralarpat saniatigut pilersuisut aamma akisussaasut. Piginnaatitsissummik pigisaqartup GOSR A/S'imik isumaqatigiissuteqarnerani saniatigut pilersuisut aamma ilanngunneqartussaapput, kisiannili saniatigut pilersuisoq taamattaq kiffartuussutinik pilersuinissamut GOSR A/S'imik isumaqatigiissummik iluarsisariaqassaaq, taassumalu taamaaliornissaa pissusissamisuussaaq.

Piginnaatitsissummik pigisaqartoq assartuinnermut allanilluunniit saniatigut pilersuisumik atuigalarpalluunniit, pisartagaqartutut akiliummik akitsuummillu GOSR A/S'imut sulii akiliisussaataassaaq, tamannalu siunertatut pingaaruteqarluarpoq, taanna akuersissut malillugu uuliamik mingutsitsinnermut suliaqarfisigut akisussaasuummat. Siunnersuummi saniatigut pilersuisussat isummerfigineqanngillat, piginnaatitsissummik pigisaqartoq aatsitassanut inatsimmi akuersissut malillugu sunniteqartumik upalungaarsimanissaaq akisussaammat.

Nunamut Namminermut, Pinngortitamut Avatangiisinullu Naalackersuisoqarfiup pitsaasutut erseqqissaatigaa, IBA pillugu isumaqatigiissutinut atatillugu uuliamik maangaannartitsinissamut upalungaarsimanermi atortunik Kalaallit Nunaannut tunniussisarnissaaq pillugu isumaqatigiissutigineqartassammata. Naalackersuisoqarfiup malugeqquaa, Kalaallit Nunaat Københavnsaftalenimut aamma CANDEN-imut ilaammat kiisalu isumaqatigiissutit tamakku siunnersuummut apeqqutaassanersut nalilersorneqartariaqartoq.

Københavnsaftalen imaluunniit CANDEN siunnersuummut matumunga apeqqutaassanngillat. Siunnersuut tamakkununnga allanguuteqartitsissanngilaq, GOSR A/S'illu atortui atornerqarsinnaassapput, pisunik Københavnsaftatenimut imaluunniit Canadap aamma Danmarkip akornanni isumaqatigiissummumut (CANDEN) pisoqassappat kalluaasussaanatik.

DMI aamma ARTEK/DTU siunnersuut pillugu tusarniaanermi ataatsimoorlutik akissuteqarput, uuliamik maangaannartitsinissamut upalungaarsimanerup tungaatigut piffissamik eqquisutut suliniutitullu pitsaasutut taasartik, sammisamilu siunnersuinernik tunniussisarnissaaq pillugu Namminersorlutik Oqartussanik aamma GOSR A/S'imik annertunerusumik suleqatigiinnissaaq qilanaaralugu. DMI aamma ARTEK'ip aamma siunnersuutigaa siunnersuisooqatigiinnik pilersitsisoqassasoq, piffissami aallarnisaaffiusumi GOSR A/S'ip atuuffii aallutaalu pillugit nassuiaassuteqartarnissat siunertaralugit, namminersortunngorsarneqareerpallu atuuffiinik nakkutiginninnissaaq siunertaralugu. DMI-p aamma ARTEK-ip naggataatigut siunnersuutigaat aatsitassarsiornerup iluani piginneqatigiiffimmik assingusumik pilersitsisoqassasoq.

DMI aamma ARTEK(DTU) uuliamik maangaannartitsinissamut upalungaarsimanermi

kiffartuussutini pingaarutilinnik isumaginnittartuupput. Soorlu oqaaseqaatini aamma "Greenland Oil Spill Response A/S-imut tunngavigineqartut niuerneramilu tunngaviit il.il" allassimasutut, GOSR A/S avataanit siunnersuisartut immikkut ilisimasallit atortarnissaat naatsorsuutigineqartoq. Taamaammatt DMI-mik aamma ARTEK-imik suleqateqarnissaa GOSR A/S'imut pissusissamisuussaaq.

Siunnersuisooqatigiinnik pilersitsinissamik siunnersuut eqqarsaatigalugu "Greenland Oil Spill Response A/S-imut tunngavigineqartut niuerneramilu tunngaviit il.il" GOSR A/S'imut anguniakkat takorluukkallu oqaasertalersorneqareerput, taamaammallu taamaattumik pilersitsinissaq maannangaaq peqquutissaqanngitsoq isumaqarfigineqarluni. Piginneqatigiiffik tamakkiisumik namminersortunngorsarneqareerpat, piginneqatigiiffiup ingerlataanik nakkutilliineq, tamakkununga ilaallutik siunnersuummi § 1, imm. 5 malillugu GOSR A/S'ip suliaa Naalakkersuisut sinnerlugit aatsitassarsiornermi oqartussanit nakkutilliineq sulii ingerlanneqartussaavoq.

Aatsitassarsiornerup iluani piginneqatigiiffimmik assingusumik pilersitsinissaq pillugu siunnersuut eqqarsaatigalugu tamatuma erseqqinnerusumik nalilersornissaa siunnersuutip matuma periarfissiisutaasa avataaniippoq.

Kalaallit Nunaanni Eqqartuussiviup eqqartuussutit immikkut ilisimasaqarfiusussat pillugit malittarisassat tungaannut maluginiarpaq, eqqartuussutit aallaavittut illoqarfinni eqqartuussivinni siullertut tunniunneqartarnissaannik uniorneqarnissaa kissaatigineqartoq, siunnersuut malillugu eqqartuussutit inatsisilerinermik paasisaqartuunissa pisariaqartutut nalilerneqarmat, eqqartuussutillu ajornakusoorluinnartuusarsinnaassammata. Kalaallit Nunaanni Eqqartuussiviup tamanna tusaatissatut tiguaa, siunnersuutigaluguli eqqartuussutit pillugit eqqarsaatigineqassasoq, piginneqatigiiffimmit inunnik inuinnartut imaluunniit inatsisitigut inuinnarnut tunngasunut Kalaallit Nunaanni najugaqartunut eqqartuussutit illoqarfinni eqqartuussivinnut tunniunneqarsinnaassasut. Kalaallit Nunaanni Eqqartuussiviup oqaaseqaatinik Kalaallit Nunaanni Landsretimut saqqummiussimavai, taannalu annertunerusunik oqaaseqaatinik saqqummiussaqaarani.

Tusarniaanermi akissut peqquutissaqartitsilersimavoq § 10, imm. 2 imaalillugu allanngortinneqassasoq, erseqqissaatigineqassalluni eqqartuussutit taamaallaat pineqassasut GOSR A/S'ip siunnersuut malillugu ingerlatani pillugit eqqartuussutissat Kalaallit Nunaanni Eqqartuussivimmut siullertut suliaqartussatut tunniuttassallugit. Inatsisit malillugit inuinnarnut piunasaqaatit eqqartuussutissat eqqartuussinermi immikkut ilisimasaqarnissaq pillugu malittarisassat nalinginnaasut malillugit illoqarfinni eqqartuussivinnut aallaavittut tunniunneqartassasut.

Teknikkikkut iluarsisassaq Kalaallit Nunaanni Politimesterip erseqqissaatigisimavaa.

Kalaallit Nunaanni Politimesterip aamma uparuarpaq, aatsitassarsiornerup iluani uuliamik maangaannartitsinermi upalungaarsimaneq, uuliamik mingutsitsisimanerup kingorna

avatangiisinik saliineq ilaallu ilanngullugit kikkut akisussaaffigissaneraat ersinngitsoq, GOSR A/S pisussaaffimminik eqquutsitsinnaangippat. Kalaallit Nunaanni Politimesteri allappoq, isummani malillugu siunnersuummi ersittariaqartoq, GOSR A/S pisussaaffimminik eqquutsisisinnaangippat qulaani taaneqartunut Namminersorlutik Oqartussaat akisussaasuussasut.

Uuliamik maangaannartitsinermit upalungaarsimanermit imaluunniit uuliamik mingutsitsisoqassagaluarpat kingorna saliinissamut akisussaaffik siunnersuutip allanngortinngilaa.

Kalaallit Nunaanni aatsitassanut inatsimmi ajoqusiinerit aatsitassanut inatsimmut ilaasunik suliaqarnermi imaluunniit ingerlataqarnermi pilersinneqartut suliaqarfitsigut akisussaaffeqartitsivoq, tak. § 92, imm. 1 aamma imm. 4.

Aatsitassanut inatsimmi kapitali 14 suliaqarfitsigut akisussaaffiliivoq kiisalu avatangiisinik ajoqusiinermit saliinissamut pisussaaffiliilluni, tamanna siammasissumik nassuiaateqarfingeqarluni, taamaalillunilu silaannarmik aamma pinngortitamik mingutsitsineq ajoqusiinerlu ilaatinneqarlutik.

Suliaqarfitsigut akisussaaffiliinerup nassataraa akisussaasoq pisussaaffilerneqartoq ajoqusiinerit saliinissamut akisussaallunilu, ajoqusiinerit sunilluunniit peqquteqaraluarpata apeqqutaatinnagu.

Imartani avatangiisinik illersuinissaq pillugu inatsit Kalaallit Nunaannut atuutilereernikuuvoq, taassumalu mingutsitsisoq akisussaaffilerlugulu saliinissamut pisussaaffilerpaa, kiisalu saliinermut pisortani oqartussat aningaasartuuteqassagaluarpata akiliinissamut pisussaaffilerlugit. Tamakku saniatigut akisussaasoq pinerluttulerinermik inatsisit malillugit akisussaatinneqarsinnaavoq.

Aatsitassanut Pisortaqarfik Naalakkersuisut sinnerlugit suliakkiissutinik isumaginnittuuvoq, aatsitassanut inatsit malillugu ingerlatsinerit imartani avatangiisinik illersuinissaq pillugu inatsit § 68, imm. 2 malillugu Naalakkersuisunut suliakkiissutaasimasut tunngavigalugit.

Tamannarpiaq peqqutigalugu saliinissamut pisussaaffinnut il.il. tunngasuni piginnaatitsissummik pigineqartumit Naalakkersuisut annertuunik qularnaveeqqusiisitsillutillu sillimmasiisitsipput, aningaasartuutissatut missingiinerit tunngavigalugit kiisalu upalungaarsimanissamut pilersaarutit sukumiisumik suliarineqarsimasut tunngavigalugit.

Taamaalilluni Namminersorlutik Oqartussat toqqaannartumik toqqaannangitsumilluunniit aningaasatigut akisussaaffilerneqanngillat, qularnaveeqqutit ingerlaannartumik akilerneqartartussaammata uuliamik maangaannartitsinissamut upalungaarsimanermit atorneqartussatut, taamallu piginnaatitsissummik pigisaqartoq upalungaarsimanermit

pilersaarut ingerlaannartumik aallartinnissaanut saliinermillu aallartitsinissamut pisussaaffeqarmat.

Qulaani eqqaaneqartutut aatsitassanut inatsit malillugu piginnaatitsissummik pigisaqartoq Kalaallit Nunaanni ingerlatassaminik aallartitsinnginnermini upalungaarsimanermut pilersaarummik Naalakkersuisunit akuerineqaqqaartussamik suliarinnittussaavoq. Aatsitassanut inatsit malillugu kiisalu Kalaallit Nunaanni imartani avatangiisinik illersuinissaq pillugu inatsit malillugu piginnaatitsissummik pigisaqartoq suliaqarfitsigut akisussaavoq, uuliamillu maangaannartitsisoqassagaluarpaat upalungaarsimanermut pilersaarut aallartissavaa saliinerlu ingerlaannartumik aallartissallugu. Tamanna pinngippat Namminersorlutik Oqartussat piginnaatitsissummik pigisaqartup akiligassaanik saliineq aallartissavaa, qularnaveeqqutit sillimmasiinerillu tamatumunnga iluarsisimasat ikittuinnaangitsut atornerisigut. Pisuni suniluunniit eqqaaneqanngilaq, Namminersorlutik Oqartussat akisussaaffiit imaluunniit aningaasatigut akisussaaffiliinerit piginnaatitsissummik pigisaqartumit tigussagaat imaluunniit GOSR A/S'ip kiffartuussutiminik isumaginninnissaanut akisussaaffianik tigusissasut.

Uuliamik upalungaarsimanermut naammattumut akisussaaffik, taamaalisoqarneranilu saliinissamut akisussaaffik pisuni tamani piginnaatitsissummik pigisaqartumiippoq. Upalungaarsimanermut pilersaarut saliinerlu piginnaatitsissummik pigisaqartup aallartinngippagit, Namminersorlutik Oqartussat piginnaatitsissummik pigisaqartup akiligassaanik saliineq aallartissavaat. Siunnersuutip tamanna allanngortinngilaa. GOSR A/S'ip taamaallaat piginnaatitsissummik pigisaqartup uuliamik upalungaarsimaneranut atortunik pilersussavaa, tamatumunngalu atatillugu saniatigut pisussaaffilerneqartussaanan.

Aatsitassanut Pisortaqarfiup piumasaqarneratigut Kalaallit Nunaanni Politimesteri ilassutaasunik oqaaseqaateqarsimavoq. Kalaallit Nunaanni Politimesteri tassani allappoq, aatsitassanut inatsisip malitsigisaanik akisussaaffimmik agguaassinermut tunngasunik siunnersuut allanngortitsissanngimmat isumaqataaffigalugu. Ilutigitilluguli eqqaaneqarpoq, Namminersorlutik Oqartussat imartani 3-sømiilit killeqarfiata iluani uuliamik mingutsitsinissamut upalungaarsimaneq, uuliamik mingutsitsinissamut akiuineq, uuliamik mingutsitsinerup kingorna avatangiisinik saliineq kiisalu Kalaallit Nunaanni aatsitaassarsiornerup iluani ingerlatanut assingusunut allanut naggataagut akisussaasut.

Uuliamik upalungaarsimanermut, avatangiisinut akisussaaffik kiisalu saliinissamut pisussaaffik pillugit akisussaaffiit pillugit qulaani taaneqartut innersuussutigineqarput. Tassani maluginiagassammaat 3-sømilip killeqarfiata iluani piginnaatitsissummik pigisaqartoq taama assingusumik akisussaammaat. Aatsitassanut inatsisip § 9-at malillugu aatsitassanut inatsit Kalaallit Nunaanni nunami oqartussaaffinnut kiisalu imartani oqartussaaffinnut atuuttoq, kiisalu sumiiffik nunavissuit aporaaffianniittoq aammalu Kaalaallit Nunaata eqqaani 200 sømilit iluanni killeqarfik tikillugu atuuttoq.

Ataatsimut isigalugu avatangiisinut akisussaaffiit pillugit aatsitassanut inatsisip kapitaliisa 14-iat innersuussutigineqarpoq.

Qanorluunniit pisoqaraluarpat uuliamik upalungaarsimanermut, avatangiisinut akisussaannermut kiisalu saliinissamut pisussaaffiit akisussaaffillu aningaasatigullu akisussaatinneqarneq piginnaatitsissummik pigisaqartumit Namminersorlutik Oqartussat tigunaviangilaat. Piginnaatitsissummik pigisaqartoq suliassaminik ingerlatseqqusaanngilaq upalungaarsimanermut pilersaarummik Naalakkersuisunit akuerineqartussaq sularisimatinnagu kiisalu mingutsitsisoqassagalarpat saliinissamut qularnaveeqqutinik sillimmasiinernillu naammaginarumik iluarsereersimatinnani. Namminersorlutik Oqartussat aatsitassarsiornermi oqartussat aqcutigalugit aatsitassanut inatsisip § 80-iat malillugu upalungaarsimanermut komite suleqatigalugu suliaqarnissaq ataqatigiissassavaat. Piginnaatitsissummik pigisaqartup upalungaarsimanermut pilersaarut saliiernerlu aallartingippagu, aatsitassarsiornermi oqartussaasut tamanna aallartissavaat piginnaatitsissummik pigisaqartup akiligassaanic, tamatumani atorneqassallutik qularnaveeqqutit sillimmasiinerillu piginnaatitsissummik pigisaqartup siunertamut tamatumunnga pilersissimasai uppersarsimasaalu. Tamannali kinguneqassanngilaq Namminersorlutik Oqartussat akisussaaffimmik tigusinissaannut imaluunniit tunngavittut aallaavik uniortinneqassasoq, mingutsitsisup saliinissamut akisussaasuunera.

Tamanna tunngavigalugu Namminersorlutik Oqartussat aamma Kalaallit Nunaanni Politimesteri tusarniaaneri akissutit paasiniarlugit oqaloqatigiissimapput. Isumaqatigiinneqarpoq aatsitassanut inatsisip kingunerisaanic imaluunniit imartani avatangiisinik illersuinissamut inatsit malillugu akisussaaffinnik agguassinermik allanngortitsinaviangitsut.

Taamattaaq Kalaallit Nunaanni Politimesterip siunnersuummi erseqqissaatigeqqeqqullugu kissaatigisani uterpaq, mingutsitsineq aatsitassarsiornermiitsuunngippat kikkut upalungaarsimanissaq saliinissarlu akisussaffigissagaat.

Siunnersuut malinneqanngilaq, Kalaallit Nunaanni annaassiniarnermi upalungaarsimaneq pillugu inatsisartut inatsisaat nr. 14, 2. maj 2010-meersoq malillugu nalinginnaasumik upalungaarsimanermik kalluaanngimmat kiisalu tamakkununnga ilaallutik qaartoornissamut pitsaaliuinermi iliuusissat imaluunniit pinngortitamik avatangiisinilluunniit mingutsitinissamut akisussaaffimmik kalluaassanngimmat. Tamanna pillugu erseqqinnerusumik nassuiaat, piginneqatigiiffimmik namminersortumik pilersitsinissamut siunnersuummi inatsisitigut periutsinut attuumassuteqanngilaq.

Grønlands Kommando (GLK) erseqqissaatigineqassasoq piumasaqarsimavoq, GOSR A/S'ip namminersortunngorsarnerani sungiusarnernut atatillugu kiisalu

suliarinnikkiartornissanulluu atatillugu atortunik GOSR A/S-imit pigineqartuni atuisinnaassanerluni qanoq ilisukkut aporfiusinnaassanersoq.

GLK aatsitassanut inatsimmi § 80, imm. 1 malillugu upalungaarsimanermut komitémut pilersinneqarsimasumut ilaasortaavoq. Tamatuma saniatigut GLK sømiilit 3-t killeqarfiata avataani ataatsimut isigalugu upalungaarsimanermi suliassanik isumaginnittuuvoq, ilaatigut imaani avatangiisit pillugit inatsit malillugu.

GOSR A/S'ip atortui aallaavittut aatsitassarsiornermi ingerlatsinermtunngasunut atapput, tamannalu pisuni allani atortut atorsinnaanerimut aporfissaqartitsinngilaq, atortut ingerlaavartumik aserfallatsaaliortuarneqarpata, atortunillu atuinermut akiliuteqartoqarpata, taamaalilluni upalungaarsimaneq tulluortoq pissarsiarisinnaajuartillugu.

Tamakku saniatigut GLK allatulli atortunik atuisinnaanermtunngasumik periarfissaqarusuppoq. GOSR A/S'ip namminersortunngorsarneqarnera upalungaarsimanermi suliassanut piginnaatitsissummik pigisaqartup akisussaaffigisaanut atatillugu atortunik GLK'p atuisinnaaneranut allanguissanngilaq.

Isumaqaatigiissutit ataqatigiissaarinerillu erseqqinnerusut upalungaarsimanerni komitémi iluarsineqarumaarput.

Kommunit Ataatsimoorussamik Aatsitassanut Suleqatigiissitaat sinnerlugu KANUKOKA akissuteqarpoq.

KANUKOKA allappoq, GOSR A/S'imik pilersitsinermtunngasumut Namminersorlutik Oqartussanit pigineqarlunilu nakkutigineqartumik ingerlatseqatigiiffimmik pilersitsinermikkut Naalakkersuisut piffissami ataatsimi paaasinnaanermtunngasumut akuersissuteqartartuuneq, avatangiisinut tunngasumik oqartussaassuseq AAMMALU pinngitsaaliissutaasumik uuliasiornermi ingerlatseqatigiiffinnut kiffartuussissutissat ingerlatariniarpaat. Taamatut pisussaaffinnik akulerussuineq isumaginnittussaanerlu imminnut akulerussorneqartoq Kommunit pissusissamisoortutut isiginngilaat.

Inatsisit malillugit suliassat Inatsisartunit suliakkiissutigineqartut malillugit Namminersorlutik Oqartussat sinnerlugit Naalakkersuisut sulianik aqquutsisuupput. Tamanna Naalakkersuisut suliassaraat. Sukutsitaatigut pissusissamisunngitsoqarnermoq KANUKOKA'p erseqqinnerusumik tunngavilersunngilaa, taamaammallu eqqaaneqassaaq, Naalakkersuisut sunik suliaqassanersut inatsisinilu sinaakutissat suut aalajangersartarnissaat Inatsisartut aalajangertaraat. Malugeqquneqassaarli Naalakkersuisut pilersuisutut atuuttussanngimmata, GOSR A/S suliffeqarfiussammat namminersortuusoq, inuinnarnut inatsisit tunngavigalugit suliassaminik isumaginnittussaasoq.

KANUKOKA allappoq kommunit isumaqartut assut isumakulunnartuusoq sillimaniarnermtunngasumut atomeqartussamik ingerlatseqatigiiffimmik pilersitsilluni aqqissuussinikkut sulianut

ingerlanneqartunut tunngasumik paasiniaasinnaatitaaneq peerneqarniarmat, taamaaliornikkullu demokratiskiusumik Kalaallit Nunaata imartaani uuliasiornermik ingerlatsinermi nakkutilliisinnaatitaaneq peerniarlugu, tassami ingerlatseqatigiiffiit pisortat ingerlatsinerattulli inatsisitigut pisussaaffeqanngimmata.

Illumoorpoq sulianik paasiniaasarneq pillugu aktieselskabit malittarisassanut ilaanngimmata. Tamannali akerlianik aatsitassanut inatsimmik aamma upalungaarsimanissamut pilersaarusiornermut akisussaaffimmik tunngaviusumik, GOSR A/S'imik pilersitsineq, siunnersuutip § 1, imm. 4-5-iani siunertai nassuiaatigineqarsimasut, tassaallutik Kalaallit Nunaanni uuliamik mingutsitsinissamut upalungaarsimaneq, uuliamik mingutsitsinissamut akiuineq, uuliamik mingutsitsisimanerup kingorna avatangiisinik salineq aatsitassarsiornerullu iluani tamakkununnga assingusunik sammisaminik ingerlatsisussaq, upalungaarsimanissamut pilersaarutinik suliarinninnissamut allaassuteqassanersoq pillugu paatsoornermik tunngaveqartoq. Piginnaatitsissummik pigisaqartut upalungaarsimanermik pilersaarutinik oqartussanit akuerineqartussanik suliaqartuartaussaapput. GOSR A/S allanik suliaasaqanngilaq, taamaallaat saniatigut pilersuisut arlallit akornanniittut uuliamik mingutsitsisoqassagaluarpat atortunik kiffartuussutinillu allanik atorveqartussanik saniatigut pilersuisutut atuuttussaalluni.

Taamaalilluni GOSR A/S pillugu siunnersuut pilersitsinerlu Kalaallit Nunaanni upalungaarsimanermut pilersaarutit pillugit sulianik paasiniaalluni il.il. pissarsiorinissamut allannguuteqanngillat.

Tamatumunngalu ilutigitillugu KANUKOKA allappoq kommunit qularnartoqartikkaat tamatumunnga atatillugu Naalakkersuisut nunatta karsia pisussaaffilerniarmassuk ajunaarnersuarmik pisoqassagaluarpat.

Uuliamik mingutsitsisoqarnerata kingorna kikkut saliissanersut pillugu tamanna paatsoornermik tunngaveqarpoq. Kalaallit Nunaanni aatsitassanut inatsimmi ajoqusiinerit aatsitassanut inatsimmut ilaasunik suliaqarnermi imaluunniit ingerlataqarnermi pilersinneqartut suliaqarfitsigut akisussaaffeqartitsivoq, tak. § 92, imm. 1 aamma imm. 4. Aatsitassanut inatsimmi kapitali 14 suliaqarfitsigut akisussaaffiliivoq kiisalu avatangiisinik ajoqusiineri saliinissamut pisussaaffiliilluni, tamanna siammasissumik nassuiaateqarfigineqarluni, taamaalillunilu silaannarmik aamma pinngortitamik mingutsitsineq ajoqusiinerlu ilaatinneqarlutik.

Suliaqarfitsigut akisussaaffiliinerup nassataraa akisussaasoq pisussaaffilerneqartoq ajoqusiinerni saliinissamut akisussaallunilu, ajoqusiinerit sunilluunniit peqquteqaraluarpata apeqqutaatinnagu.

Imartani avatangiisinik illersuinissaq pillugu inatsit Kalaallit Nunaannut atuutilereernikuvoq, taassumalu mingutsitsisoq akisussaaffilerlugulu salinissamut pisussaaffilerpaa, kiisalu salinermut pisortani oqartussat aningaasartuuteqassagaluarpata akiliinissamut pisussaaffilerlugit. Tamakku saniatigut akisussaasoq pinerluttulerinermik inatsisit malillugit akisussaatinneqarsinnaavoq.

Aatsitassanut Pisortaqarfik Naalackersuisut sinnerlugit suliakkiissutinik isumaginnittuvoq, aatsitassanut inatsit malillugu ingerlatsinerni imartani avatangiisinik illersuinissaq pillugu inatsit § 68, imm. 2 malillugu Naalackersuisunut suliakkiissutaasimasut tunngavigalugit.

Tamannarpiaq peqquutigalugu salinissamut pisussaaffinnut il.il. tunngasuni piginnaatitsissummik pigineqartumit Naalackersuisut annertuunik qularnaveeqqusiisitsillutillu sillimmasiisitsipput, aningaasartuutissatut missingiinerit tunngavigalugit kiisalu upalungaarsimanissamut pilersaarutit sukumiisumik sularineqarsimasut tunngavigalugit.

Taamaalilluni nunap karsia toqqaannartumik toqqaannangitsumilluunniit aningaasatigut akisussaaffilerneqanngilaq, qularnaveeqqutit ingerlaannartumik akilerneqartartussaammata uuliamik maangaannartitsinissamut upalungaarsimanermut atorineqartussatut, taamallu piginnaatitsissummik pigisaqartoq upalungaarsimanermut pilersaarut ingerlaannartumik aallartinnissaanut salinermillu aallartitsinissamut pisussaaffeqarmat.

KANUKOKA allappoq, ernumanartutut isigineqartoq uuliasiornermi ajunaartoqartillugu sillimaniarneq, ingerlatseqatigiiffimmit nutaamit misilittagaqanngitsumillu isumagisassanngortinneqassappat, allallutillu taama ingerlatsisut annertuumik immikkullu sungiusarneqarluarsimasumik misilittagaqartut suliassami taama ittumi eqqanaannerujussuarmik isumaginnittuusinnaanerit naatsorsuutigisariaqarmat.

GOSR A/S'ip atuuffissai pillugit KANUKOKA'p isummernera paatsoornermik tunngaveqarpoq. Uuliamik maangaannartitsinermi upalungaarsimanissamut aatsitassanut inatsisip piginnaatitsissummik pigisaqartup piumasaqaataanik GOSR A/S'ip pilersinneqarnerani allannguinerinik kinguneqartussaannngilaq, tamannalu siunnersuummi § 8, imm. 6-imi erseqqilluinnartumik allassimavoq ”Piginnaatitsissummik pigisaqartoq, isumaqatigiissummik imm. 1-imi taaneqartumik isumaqatigiissuteqartoq eqquutsitsillunilu, tamatuma saniatigut taamattaaq ingerlatanik allanik isumaginnissaaq iliuusissanillu allanik aalajangiilluni, tamakkununga ilaallutik kiffartuussutinik imm. 1-imi taaneqartunik pilersuinissamut pilersuisunik allanik isumaqatigiissusiornissaaq eqquutsitsinissarluni, aatsitassanut inatsit malillugu, akuersissut malillugu uuliamik mingutsitsinissamut upalungaarsimanissamut il.il. piumasaqaatit eqquutsinniarlugit pisariaqartunik iliuuseqarluni.” Uliamik mingutsitsinissamut upalungaarsimanissaaq GOSR A/S'ip kisimiilluni isumagisassarinnngilaa, GOSR A/S tapertaasussavoq, suliassatut pingaarneq tassaassalluni atortussanik pilertortumik tunniussisinnaanissaaq. Upalungaarsimanermut atortut

amerlanersaat nunarsuarmioqatigiinni upalungaarsimanermi kattuffinnit annersaasunit tunniunneqartussaallutik, soorlu Oil Spill Response Limited il.il.

Taamaalilluni suleriaaseq maanna atuuttoq siunnersuutip allanngortinngilaa, tassalu piginnaatitsissummik pigisaqartoq uuliamik maangaannartitsinissamut upalugaarsimaffimmik tulluurtumik pilersitsinissaanut akisussaaffeqarnera, kiisalu upalungaarsimanermut pilersaarummik Naalakkersuisunit akuerineqartussamik suliaqarnissaminut akisussaanera.

KANUKOKA allappoq, siunnersuummi isummerfigineqanngitsoq GOSR A/S atortunik amerlanerusunik, sulisunillu suliaassanik isumaginnittussanik qanoq pissarsissanersoq, kiisalu piginneqatigiiffiup sulisut nammineq ilinniartissanerai.

Tamanna eqqunngilaq. Oqaaseqaatini ilanngunneqanngilaq, piginneqatigiiffiup pilersinneqarnerani siunertat pingaarnertit tassaasut, aserfallatsaaliinissanut, pisiortoqqinnissanut, ingerlatat annertusarnissaannut ilaallu ilanngullugit uuliasiortunit isertitassanik ingerlaavartumik qulakkeerinninnissaq. GOSR A/S'ip pingaarnertut nammineq aalajangissavaa, piginneqatigiiffiup siunertaminik eqquutsitsinissaminut qanoq aalajangertassalluni, killiffiliussallu tamakku iluini qanoq ineriartortitsissanerluni. Oqaaseqaatinili soorlu taaneqareersutut tunngaviusaaq, IBA pillugu piginnaatitsissutinik pigisaqartunik isumaqatigiissusiornernut atatillugu atortunik piginneqatigiiffimmut tunniussinissaq pillugu saniatigut isumaqatigiissutinik aamma suliarinnittoqassasoq.

KANUKOKA allappoq, kommunit sillimaniarnerannut tunngasut ersernerluttut, kiisalu kommunit aamma Namminersorlutik Oqartussat akornanni isumaqatigiissutaannut siunnersuut qanoq sunniuteqassanersoq ersernerluttoq. Kiisalu ersersinneqanngilaq nalorninarlunilu ingerlatseqatigiiffik nunami uuliakoortoqartillugu akiuinermi aamma peqataasassanersoq.

Siunnersuummik aktieselskabimik pilersitsinissaq pineqarpoq. Kommuneqarfiit upalungaarsimanissaannik siunnersuut allannguuteqartitsissanngilaq, kiisalu kommuneqarfiit Namminersorlutillu Oqartussat akornanni isumaqatigiissutinut atuuttunut arlaannilluunnit sunniuteqartussaannngitsoq.

Siunnersuutip § 1, imm. 4-raani allassimavoq, piginneqatigiiffik Kalaallit Nunaanni aatsitassarsiornerup saniatigut uuliamik mingutsitsinissamut upalungaarsimanermut, uuliamik mingutsitsinissamut akiuinermut, uuliamik mingutsitsisimanerup kingorna avataniisinik saliinermut tunngasunik suliaminik ingerlataqarsinnaasoq, piginneqatigiiffiup maleruagassaani tamanna ilanngunneqarsimappat.

KANUKOKA kaammattuivoq, Namminersorlutik Oqartussat suliani uani pineqartuni imminnut nipitartunik soqutigisaqarneranni ajornartorsiutaasut pillugit isumaliuteqassasoq

uunga ilassutitut. Tamakkununnga ilaallutik aaqqissuussinernik allanik imaluunniit "public-private-partnerships"-imut atatillugu isumaliuteqaqqullugu.

Eqqaasitsissutigineqaqqissaaq inatsisit malillugit suliassat Inatsisartunit suliakkiissutigineqartut malillugit Namminersorlutik Oqartussat sinnerlugit Naalackersuisut sultanik aqqutsisuupput. Tamannami Naalackersuisut suliassarerpiarpaat. Tamatuma kinguneraa pisuni arlalinni Naalackersuisut inatsisit aqquutigalugit eqqarsaatigisassat imminnut assortuuttut tunngavigalugit aqqutsisariaqarnerat. Tamannali nutaarsiassartaqanngilaq aqutseriaatsimilu allaanerussuteqarnani, taamaassagaluarpammi Namminersorlutik Oqartussat tunngavigisaat tamakkerluinnarluni tunngaveqarluinnartumik allanngortinnissaat pisariaqassagaluarmat.

Malugeqquneqassaarli atortunik aktieselskabimut inissiineq kinguneqassammat Namminersorlutik Oqartussat pilersuisutut atuuttusaainginnerat, GOSR A/S suliffeqarfiussammat namminersortuusooq, inuinnarnut inatsisit tunngavigalugit suliaqartussaq, taamaalillunilu Namminersorlutik Oqartussat ingerlatsinerisa tulleriarinerannut nalinginnaasunut ilaatinneqartusnaanani.

Pingaaruteqarluinnartutut isumaqarfigineqarpoq GOSR A/S-ip Namminersorlutik Oqartussanik isumalluuteqarnani ingerlanissaa, taamaalilluni nakkutilliinermi oqartusaa neq arlaannut attuumassuteqannginnera pillugu apeqqusiineqarsinnaassanani. Uparuarneqarpoq isumakulunnarsinnaasooq, Namminersorlutik Oqartussat toqqaannartumik imaluunniit suleqatigisaq namminersortoq suleqatigalugu uuliamik mingutsitsinissamut upalungaarsimanermut tunngasunik pinngitsaaliissummik kiffartuussinissamut neqeroruteqarsinnaappat, ilutigitiillugulu tamakkuninnga oqartussatut nakkutilliisuussalluni. Tamatumani siunniunneqarpoq GOSR A/S piffissap ingerlanerani tamakkiisumik namminersortunngorsarneqassasooq, taamaalereerpallu Namminersorlutik Oqartussat oqartussatut suliassanik taamaallaat isumaginnittussatut atuutilissasut.

Taamattaaq aalajangersakkap imarisaani imaqarniliat arlallit KANUKOKA'p uparuarpai, soorlu pingaartumik § 8 (siusinnerusukkut §10).

KANUKOKA uparuaavoq uuliasiornermut ingerlatseqatigiiffik pisussaaffilerneqarpoq (uuliasiomermi akuersissummik piginittoq) GOSR-imut isumaqatigiissuteqarlunilu isumaqatigiissummik malinnissasooq uuliasiornermi sillimaniamennut atatillugu, uuliasioritseqatigiiffik akuersissummik peqartuusooq uppernarsaasinnaanngippat sullissinermini tunniussinnaasai teknikkikkut aamma akilersinnaasumik ingerlatsinermi unammillersinnaanngitsooq.

Tamanna ilumoorpoq.

KANUKOKA uparuaavoq, taamatut aaqqissuussinikkut uuliasiortoq akuersissumik piginnittoq periarfissinneqarpoq GOSR-imik atuinnginnissaminut, ingerlatseqatigiiffimmik nunamit allameersumik sillimaniarnermi suliaqartartumik toqqaasimaguni, tamannami periarfissaasariaqassammat GOSR-i unammillersinnaasumik ingerlatsivimmik aaqqissuussiniarnerminik ajornartorsiuteqassappat.

Tamanna ilaatigut ilumoorpoq.

Tamanna tunngaveqarpoq GOSR A/S nunat tamat assigiissaarutaat pitsaanerpaat malillugu kiffartuussutiminik soorunami sullissisinnaasariaqarmat. GOSR A/S'imik pilersitsinermut siunertaanngilaq suliffeqarfimmik aningaasarsiorfiussamik ingerlatsinissaq, kisiannili nuna tamakkerlugu uuliamik mingutsitsinissamut upalungaarsimaffimmik aallartitsinissaq, aatsitassanut inatsisip piunasaqaatai sakkortuut eqquutsissinnaallugit. GOSR A/S ataatsimut isiginnittumik nunat tamat assigiissaarutaat qaffasissut naapertorlugit kiffartuussutinik sullissisinnanngippat, piginnaatitsissummillu pigisaqartup tamanna uppersarsinnaappagu, piginnaatitsissummik pigisaqartoq upalungaarsimassutiminik aaqqissuussinnaavoq kiffartuussutit pillugit GOSR A/S-imik sullississutit pillugit isumaqatigiissuteqarfigingikkaluarlugu.

Taamaakkaluartoq GOSR A/S'ip unammilleqatigiinnermi, GOSR A/S atortunik amerlangaatsiartunik Kalaallit Nunaanni inissisimatitassaminik pigisaqarnini pingaaruteqartumik iluaqutigissavaa. GOSR A/S teknikkikkut aningaasarsiornikkullu unammillersinnaanngissusia piginnaatitsissummik pigisaqartup uppersarsinnaappagu, piginnaatitsissummik pigisaqartup ataatsimut isigalugu uppersarsinnaassavaa, atortut assingusumik taama amerlatigisut Kalaallit Nunaanniittut atorsinnaassallugit. Tamanna eqquutsinneqarpat, uuliamik maangaannartitsinermi upalungaarsimaneq isumannaatsoq eqqarsaatigissallugu pingaarnerusutut nalilernerqassaaq, GOSR A/S-imik eqqarsaatiginninnissamit salliutinneqarluni. Periarfissat marluk pitsaaqatigiissut akornanni toqqaaneqassappat, piginnaatitsissummik pigisaqartup arlaat isumaqatigiissuteqarfigissallugu nammineerluni aalajangersinnaavaa. Taamaassanngippat pineqartup aalajangersinnaavaa upalungaarsimaneq tamaat nammineq isumagissanerlugu.

KANUKOKA'p uparuarpaa uuliasiornermi ingerlatseqatigiiffik akuersissummik piginnittoq GOSR-imik atuinngissinnaanera nunatsini suliffeqarfinnik allanik suliamik taama ittumik naammassinnissinnaasumik peqarsinnaanera aallaavigalugu kommunit nalilerpaat tunngaviusumik ungasinnerusorlu isigalugu pitsaasutut, Namminersorlutik Oqartussat kismaassisuusinnaanerat pinngitsoorniarlugu. KANUKOKA'p uparuarpaa pissusiviusut aallaavigalugit piffissami matumani Kalaallit Nunaanni sullissisunik arlaqartunik peqarsorinanngilaq suliassamut pineqartutut ittumut neqerooruteqarsinnaasunik. BMP-p kissaatigimmagu Namminersorlutik Oqartussanit pigineqartumik ingerlatseqatigiiffiliomissaq, BMP-p isumaliutit kingulliit peqataaffigisariaqarpai. GOSR-imik siunnersuutigineqartutut iluseqartumik pilersitsisoqarpat assut ajornakusoorsinnaavoq

namminersortunut taassuma assinganik pilersitsissalluni, - namminersortutut ingerlanneqartussamik ineriartortitsinissaq siunertaralugu aammalu GOSR-ip suliaanik taassuma namminersortunngorsameqarnerani tigusiarnissaq eqqarsaatigalugu.

Naalackersuisut siunnersuutaata tunngavigerpiarpaa uuliamik maangaannartitsinissamut upalungaarsimanermut Kalaallit Nunaanni aallaaveqartup nukittorsarneqarnissaata tunngavilersinneqarnissaanik kissaatigisaqarneq. Ullumikkut Kalaallit Nunaanni uuliamik mingutsitsinissamut upalungaarsimaffimmut tunngasunik kiffartuussinermi sullissinissamut neqeroorteqartoqanngilaq, tamannalu pillugu aalajangersimasumik allanik pilersaaruteqartoqarnerisq Naalackersuisut aamma ilisimasaqarfiginagu. Aatsitassarsiornermi ingerlatat annertusiartorneri ilutigalugit qularnanngitsumik piginneqatigiiffiit allat, tamakkununga ilaallutik uuliamik maangaannartitsinissamut upalungaarsimaffimmik, Kalaallit Nunaanni pilersitsinissamik kissaateqartoqarnerisq. Taama ineriartorneq ilutigalugu Namminersorlutik Oqartussanut tulluutissaaq GOSR A/S'imi piginneqatigiissutiminnik tunisisuuppata, taamaalereerpallu GOSR A/S piginneqatigiiffinnut allanut atugassarititaasut ilutigalugit sulisinnaassuseqalissalluni.

Sulinermik Inuussutissarsiuqartut Kattuffiat (SIK) allappoq, avataani imartani uuliamik misissuinerup iluani ingerlatat tungaannut ataatsimut isigalugu pitsaasunik iliuuseqartoqarniarmat kattuffiup isumaqataaffigigai, avatangiisinik illersuinissamut mingutsitsinissamullu akiuiniarnermut taama sakkortutigisumik piumasagaateqartoqarpat. Taamaammat SIK'p siunnersuut ataatsimut isigalugu iluarisimaarutigaa, uuliamik maangaannartitsinissamut upalungaarsimaneq uuliamik misissuinissamut atorluaasoqalissagaluarpallu ineriartortitsinissamut pissusissamisoortumik eqqarsaatigisassaammat.

Taamaakkaluartoq SIK allappoq uuliamik upalungaarsimaffimmut aktieselskabimik pilersitsisoqarnissaa qularnaquteqartillugu. SIK'p pingaarluinnartutut isigaa uuliamik maangaannartitsinissamut upalungaarsimaffiup pisortat aquaatut ingerlanneqarnissaa, Namminersorlutillu Oqartussanut assortorneqarsinnaanngitsumik pisinnaatitaaffeqartinneqartariaqarlutik.

Taama isummerneq Naalackersuisut isumaqataaffigaat. Siusinnerusukkut oqaatigineqareersutut piumasagaatit sakkortuut allanngortinneqarnissaat pillugu siunnersuuttip siunertarinngilaa. Taamaalilluni Namminersorlutik Oqartussat uuliamik maangaannartitsioqassagaluarpat pisinnaatitaaffii pillugit GOSR A/S'ip pilersinneqarnerani sutigulluunniit allanngortitsisoqassanngilaq. GOSR A/S oqartussatut suliassanik isumaginnittussaannngilaq imaluunniit uuliamik maangaannartitsinermi upalungaarsimanermik suliassanik isumaginnittussaanani. Taamaallaat GOSR A/S kiffartuussutinik isumaginnittussavaoq, uuliamik maangaannartitsinermi upalungaarsimanermut ataatsimoortumut peqataassalluni, tamanna piginnaatitsissummik pigisaqartup pilersissallugu

pisussaaffigimmagu. Taamaalilluni oqartussatut suliassat namminersortunngorsarneqarnissaat eqqartorneqanngillat imaluunniit oqartussatut suliassat piginneqatigiiffimmut namminersortumut suliakiissutigineqarnaviaratik.

SIK'p erseqqissaatigeqquaa, siulersuisunut ilaasortaq iliuuseqarnerni siulersuisuni ingerlaannarnissaminut qaqugukkut naleqqukkunnaarsimasutut qanoq ilisukkut pisuutinneqarsinnaanersoq. (Siunnersuummi § 6, imm. 1, nr. 4).

Siulersuisunut ilaasortaq qaqugukkut iliuuseqarsimalluni pisuutinneqarluni siulersuisuni ingerlaqinnissaminut naleqqukkunnaarsimassanersoq ataatsimut isigalugu piginneqatigiiffiit pillugit inatsisaat tamakkununga atuuttut malillugit aalajangerneqartarpoq. Aalajangersagaq tamatumunnga assingusoq aningaasaateqarfiit pillugit inatsimmi § 13, imm. 3, aamma inuussutissarsiutini aningaasaateqarfiit pillugit inatsimmi § 14, imm. 3-mi allassimapput.

Tassani tunngavigineqarpoq tulluuttuunissamut naliliineq malittarisassat aningaasaateqarfinni aamma inuussutissarsiornermik ingerlatsisuni aningaasaateqarfinni siulersuisut tungaannut atuuttut malinneqarput. Ataatsimut isigalugu Kalaallit Nunaanni pinerluttulerinermut inatsisinik annertuumik unioqqutitsisimanerit, tamakkununga ilaallutik aningaasatigut pisuussutit tungaannut immikkorluinnaq ittumik sakkortuumik pinerluuteqarsimanerit siulersuisuni ingerlaannarnissamut inuk naleqqukkunnaartutut isigineqartussaammat.

SIK allappoq kattuffiup imminut assortuuttutut isumaqarfigigaa piginnaatitsissummik pigisaqartup uppernarsarsinnaammagu GOSR A/S'ip teknikkikkut aningaasarsiornikkullu unammillersinnaassuseqanngippat piginneqatigiiffinnik allanik tamakkuninnga pilersuisinnaanera pillugu isumaqatigiissusiorsinnaanersoq. SIK allappoq nunat tamat akornanni teknologiimik pitsaanerpaamik atuinissamut tunngavinnut, kiisalu taama iliuuseqarnissaq aatsitassanut inatsimmi pingaarnersatut isummerfigisamut tulluutinnngitsaq. SIK allappoq, SIK'p tamanna ima paasigaa, annertussuseq kisimi naammattoq, nunarsuarmioqatigiit ingerlatassaminnik pilersaarusiorsinnaasut Namminersorlutik Oqartussat iliuuseqarfigisinnaasaannik, aammattaaq uuliamik maangaannartitsinermi upalungaarsimanerup iluani.

§ 8, imm. 4-mi aalajangersakkap ilanngunneqarneranut siunertarineqarpoq aatsitassarsiornerup iluani ingerlataqarnermi qulakkeerinnittoqassammat nunat tamat suleriaasiat malillugu ingerlanneqarnissaq.

Qulaani taaneqartutut uuliamik maangaannartitsinissamut upalungaarsimanermut tunngasutigut oqartussatut suliassat siunnersuutip allanngortinngilai. Taamaammat piginnaatitsissummik pigisaqartup uuliamik maangaannartitsinissamut upalungaarsimanermut pilersaarummik suliaqarnissani suli atatittuartaavaa, piginnaatitsissummik pigisaqartup ingerlataminik aallartitsinnginnermini Naalakkersuiusunut akueriteqqaartussaasaa. Aalajangersakkap taamaallaat piginnaatitsissummik pigisaqartuq periarfissippaa GOSR A/S-

imit kiffartuussutit atornagit nammineerluni upalungaarsimanissaminik aaqqissuussinissaanut, taassuma uppernarsarsinnaappagu upalungaarsimanermik pitsaanerusement kinguneqarsinnaappat imaluunniit kalaallit suliffeqarfiutaat ataaseq arlallilluunniit atorneqarnissaat kissaatigineqarpat, taakkulu GOSR A/S'ip sullissinermi tunniussinnaasaasut minnerpaamik assingusumik pitsaassuseqartutut isumaqarfigigunigit.

GOSR A/S'imik pilersitsinerup siunertarinngilaa aningaasarsiornikkut suliffeqarfimmik ingerlatsinissaq, kisiniannili nuna tamakkerlugu uuliamik mingutsitsinissamut upalungaarsimaffimmik aallartitsinissaq, aatsitassanut inatsisip piumasagaataanik sakkortuunik eqquutsitsinnaasumik. Ataatsimut isigalugu GOSR A/S nunat tamat assigiissaarutaattut kiffartuussutit tunniussinnaangippagit piginnaatitsissummillu pigisaqartup tamanna uppernarsarsinnaappagu, piginnaatitsissummik pigisaqartup upalungaarsimanissani aaqqissuussinnaavaa, kiffartuussutinik GOSR A/S-imit sullinneqarnissat pillugit isumaqatigiissusiunngikkaluarluni. Upalungaarsimaneq nunat tamat assigiissaarutaat qaffasinnerpaat malittuassavaat, upalungaarsimanermullu pilersaarutit ilaallu ilanngullugit Naalakkersuisunit akuerineqartussaallutik.

Sulisitsisut Peqatigiiffiat (GA) allappoq, Namminersorlutik Oqartussat uuliamik maangaannartitsinissamut upalungaarsimaffimmi aningaasarsiornikkut peqataanissaa tunngaviusumik akerleralugu, GA'p isummenera malillugu Namminersorlutik Oqartussat inuussutissarsiornermi suliffeqarfiit ingerlanneqartuni naammattumik peqataareermata. Taamattaaq GA allappoq, piginneqatigiiffinnik namminersortunik arlalinnik Kalaallit Nunaanni pilersitsinnaasunik, pisariaqalissappallu suliassamik isumaginnissinnaasunik peqareersoq.

Ilumoorinnaavoq piginneqatigiiffinnik namminersortunik arlalinnik Kalaallit Nunaanni pilersitsinnaagaluartunik peqartoqareermat. Ilumoortorli tassaavoq arlaannaalluunniit taamaaliorsimanngimmat, taamallu Naalakkersuisut ilisimasaqarfiginngilaat uuliamik upalungaarsimatitaasut pioreersut arlaannaalluunniit Kalaallit Nunaanni pilersitsiniarlutik pilersaaruteqartoqarsinnaasunik. Taamaammat tulluartutut isumaqarfigineqarpoq, Namminersorlutik Oqartussat taamaattumik pilersitsissasut, Namminersorlutik Oqartussat atortunik piginneqatigiiffimmik taamaattumik peqataasinnaasumik tunngaveqalernissq aallaavigalugu. Tamatumani Namminersorlutik Oqartussat suliffeqarfimmik namminersortumik ingerlatsinissamut kissaateqarnerannik tunngaveqanngilaq, pisariaqartitatulli nalilersuinerit tunngavigalugit nunatsinni uuliamik upalungaarsimaffimmik pilersitsinissaq kissaatigineqarmat.

GA'p uparuarppaa Namminersorlutik Oqartussat namminneq piginneqatigiiffitsik kisermaassisutut isigineqassasoq pigineqatigiiffiit allat Kalaallit Nunaanni pilersitsinissaasa tungaannut.

Isumaqataaffigineqarpoq, GOSR A/S pilersinneqarnermini Kalaallit Nunaanni piginneqatigiiffinni taamaattuni kisiartaassammat, tamatumali piginneqatigiiffiit allat Kalaallit Nunaanni pilersitsinissaannut, siunertanik assingusunik suliaqassallutik suliffeqarfimmik ingerlatsinissaannut mattunneqanngillat. GOSR A/S kisermaassisunngortissallugu immikkut pisinnaatitaaffilerneqanngilaq. Unammilleqatigiinneqannginneranut taamaallaat pequtaavoq Kalaallit Nunaanni uuliamik maangaannartitsinissamut upalungaarsimaffiit allat peqataannginnerat.

GA allappoq, isumakulunnartuusooq Naalakkersuisut upalungaarsimanissamik pilersaarutininik akuersissuteqartartut, piginnaatitsissutinik pigisaqartut Naalakkersuisut namminneq piginneqatigiiffimminnik atuinissaannut pinngitsaaliusarmagit, taamaalilluni aaqqiissutit eqqortuunersut qulakkeerneqarsinnaanatik, kiisalu pilersuisinnaassuseqartut allat Namminersorlutik Oqartussat peqataanissaannut ingalassimatissallugit.

Upalungaarsimanissamut piumasaqaatit siunnersuutip allannguuteqartinngilai. Nunat tamat assigiissaarutaat qaffasissumik piumasaqaataaffiusut GOSR A/S'ip tunniussinnaanngippagit kiisalu piginnaatitsissummik pigisaqartup tamanna uppernarsarsinnaappagu, piginnaatitsissummik pigisaqartoq GOSR A/S'imik isumaqatigiissuteqarnissaminut pisussaatinneqassanngilaq. Tamannattaaq atuuppoq, piginnaatitsissummik pigisaqartoq kiffartuussutinik Kalaallit Nunaanni pissarsinissaminut piginneqatigiiffimmik ataatsimik arlaqartunilluunniit isumaqatigiissusiorsinnaatitaavoq, tamakku GOSR A/S'ip tunniussinnaassanngippagit.

GA naggataatigut allappoq, tulluanngitsutut isumaqarfigalugu piginneqatigiiffimmik pilersitsisoqassasoq, GA'p naliliinera malillugu akitsorsaataasutut akunnerisatut taamaallaat atuuttussaammat, piginneqatigiiffiit nunami maani suliaqareersut aningaasartuutaannik amerlisaataasussaasoq.

Iliuusissaq alla tassaassaaq, piginnaatitsissummik pigisaqartoq atortunik nammineerluni pisiortortariaqassammat tamakkulu Kalaallit Nunaanni uninngatillugit imaluunniit piginneqatigiiffimmi allami kiffartuussutinik pisisariaqassalluni. Nalileriarneqarsinnaavoq GOSR A/S'imik isumaqatigiissuteqarnissamik piumasaqaat akunnermiliunnermi annertungaatsiartumik akitsorsaataasussaasoq. Pisunili arlalinni piginnaatitsissummik pigisaqartoq aningaasanik sipaarutaasinnaalluarluni.

Greenland Oil Industry Association(GOIA) piffissami siusinaartumi siunnersuut oqaaseqarfigissallugu periarfissinneqarsimavoq, nalinginnaasumillu tusarniaanerup nalaani periarfisseqqinneqarsimalluni. GOIA'p erseqqissaatigaa Kalaallit Nunaanni uuliamik maangaannartitsinissamut upalungaarsimaffimmik pilersitsineqarnissaa inerisaasoqarnissaalu tapersorsorlugu, tamatumalu pitsaasumik suleqatigiissutigineqarnissaa neriutugalugu, tamannami ataatsimoorullugu

akisussaaffiummat tamanullu soqutigisaassalluni, taamaalilluni uuliamik maangaannartitsisoqassappat upalungaarsimaffik taamaattoq qulakkeerneqarsinnaalluni. GOIA allappoq, nunarsuarmik uuliamik upalungaarsimanermut tunngasut pillugit sumiiffinni assigiinngitsuni suliniutinut arlalinnut peqataalluni, kiisalu GOIA'p ilaasortai upalungaarsimanermut tunngasuni annertuumik ilisimasaqartut, kiisalu uuliamik maangaannartitsinissamut upalungaarsimanerup iluani Kalaallit Nunaata suliniutaanik nukittorsaaqataanissaq peqataanissarluk kissaatigigini, tamakkununnga ilaallutik siulersuisunut ilaasortaasinnaaneq aqutigalugu GOSR A/S'ip inerisarneqarnissaanut peqataasinnaalluni.

Taamattaq GOIA'p isumakuluutit arlallit eqqaasimavai, tamakkununnga ilanngullugit ukiuni arlaqartuni piginneqatigiiffiup uuliamik upalungaarsimanissamut tamakkiisumik periarfissanik pilersuisinnaassanngitsoq uuliamik upalungaarsimanermi piginneqatigiiffiit pilersinneqareersimasut ilutigalugit, taamaalilluni eqqaaneqarluni GOSR A/S maangaannartitsinermi Tier 3-tut annertutigisuni passussinissamut atortunik naammaginatunik pilersuisinnaassanngitsoq. Taamaammatt pisuni tamani, pingaartumik siunissami ukiualuit iluanni, uuliamik maangaannartitsinissamut upalungaartitanik allanik saniatigut isumaqatigiissusiornissat pisariaqartinneqartussaallutik. Taamattaq GOIA'p isumakuluutigaa, GOSR A/S'imik isumaqatigiissuteqarnissamut piimasaqaatit qanoq ilisukkut misissuinissamut ingerlatanik akitsorsaataassanersoq tamakkuninnga kigaallassaataassanersoq.

GOIA'p peqataanissaminut kissaatigisaa kiisalu Kalaallit Nunaanni uuliamik maangaannartitsinissamut pitsaasumik naammattumillu upalungaarsimanissamut suleqatigiissuteqarusunnera Naalakkersuisut nuannaarutigaa, GOSR A/S'illu inerisaqqinnissaanut GOIA'p soqutiginninnera Naalakkersuisut tikilluaqqunartillugu. Naalakkersuisut isumaqataaffigaat uuliamik maangaannartitsinissamut upalungaarsimaffiup tungaani peqataasut tamaasa akornanni suleqatigiilluarnissaq pingaaruteqarlunartutut isumaqarfigalugu, tamakkununnga ilaallutik sungiusarnissanut ataqatigiissaarinissanullu tunngasut. Naalakkersuisut aammattaq isumaqarput GOIA'p ilaasortai isumannaallisaanikkut qaffasissumik inissisimaffeqartut, uuliamillu maangaannartitsinissamut upalungaarsimanermi Kalaallit Nunaanni nunarsuullu sinnerani ineriartortitsinermut eqeersimaartumik peqataasut. Soorunami GOIA qaqugukkulluunniit misilittakkaminik tunniussisinnaanermi tikilluaqqunarpog, Kalaallit Nunaatalu uuliamik maangaannartitsinissamut upalungaarsimanerani pissusissamisoortumik suleqataanissamut peqataanissaanut tikilluaqqunartillugu.

Tusarniaanermi GOIA'p akissutai Naalakkersuisut maluginiarpaat, tamakkununga isumakuluutit eqqaasai siunnersuutaalu. Naalakkersuisut nalilersimavaat A/S'imik Namminersorlutik Oqartussanit pigineqartumik pilersitsineq pitsaanersaasoq, uuliamik maangaannartitsinissamut upalungaarsimaffimmik Kalaallit Nunaanni inissisimasumik

pilersitsinissaq. Tamatumunnga atatillugu Naalakkersuisut ilisimalluarpaat GOSR A/S siunissami ukiuni arlalinni uuliamik maangaannartitsinissamut upalungaarsimaffimmik ataatsimoortutut tamakkiisumik piginnaatitsissummik pigisaqartunut piumasaqaatigineqartut assigisaannik eqquutsitsisunik tunniussisinnaassanngitsoq. Taamaammallu piginnaatitsissummik pigisaqartut uuliamik maangaannartitsinissamut upalungaarsimatitanik allanik isumaqatigiissusiorsinnaasut. Tamatumunngali ilutigitillugu Naalakkersuisunut pingaaruteqarluinnarpoq, pissuseq tamanna qanoq ilisukkulluunniit piumasaqaatinik sakkortuunik uuliamik maangaannartitsinissamut upalungaarsimanissamut ullumikkut piumasaqaatigineqartunik sakkukilliliineqassanngilluinnarpoq.

Siunnersuutip aalajangersagaanut ataasiakkaanut oqaaseqaatit

§ 1-imut

Imm. 1-imut

Imm. 1-imi aalajangerneqarpoq Namminersorlutik Oqartussat Naalakkersuisut sinnerlugit aktieselskabimik pilersitsisut pilersinneqarnerani aktiatigut aningaasaatinik 500.000 kr.-inik aningaasartalimmik, taakku aallarniutissatut aningaasat ikinnerpaaffissaasut inatsisitigut piumasqaataamat, tak. aktieselskabit pillugit inatsimmi § 1, imm. 3.

Imm. 2-mut

Pigineqatigiiffiup taaguutaa saniatigullu taaguutai imm. 2-mi taaneqarput. Pigineqatigiiffik taaguutit allat atorlugit sammisamik ingerlatsisinnaavoq. Pigineqatigiiffik saniatigut allanik taaguuteqassappat, aktieselskabit pillugit inatsimmi kiisalu pigineqatigiiffiup maleruagassaani tamanna pillugu malittarisassat malillugit pigineqatigiiffimmik pigineqataasut akuerissavaat.

Imm. 3-mut

Imm. 3 malillugu pigineqatigiiffiup aktiatigut aningaasaatai Naalakkersuisunit akilerneqassapput uppersarneqarlutillu Namminersorlutik Oqartussaniillu pigineqassallutik.

Aktieselskabinut malittarisassat atuuttut malillugit pigineqatigiiffup aktiatigut aningaasaatai pigisat akiliutitut aallarniutigalugit tamakkiisumik ilaannakortumilluunniit akilerneqarsinnaapput (aningaasaanngitsunik akiliineq). Aningaasaanngitsunik akiliuteqarneq aktiaatinik aningaasaatinik pisinermi periarfissatut atorneqarsinnaavoq.

Aktiatigut aningaasaatit uuliamik mingutsitsinermi upalungaarsimanermut, uuliamik mingutsitsinissamut akiuinermi, uuliamik mingutsitsisoqarsimatillugu avatangiisinik saliinermut assigisaannulluunniit atortunik atugassanik akiliuteqarnikkut akiliisoqassaaq. Namminersorlutik Oqartussat atortut 20 mio. kr.-it missaannik naleqartut akiliutigissavaat.

Tamatuma pinnginnerani atortut Cairn Energymit Namminersorlutik Oqartussanut tunniunneqassapput. Atortut pissarsiarinerini Namminersorlutik Oqartussat pisinermi akiliuteqassanngillat.

Imm. 4-mut aamma 5-imut

Pigineqatigiiffiup siunertai imm. 4-mi aamma 5-imi naleqqussarneqarput. Pigineqatigiiffiup pingaarnertut siunertaraa uuliamik mingutsitsinissamut

upalungaarsimaneq, uuliamik mingutsitsinissamut akiuineq, uuliamik mingutsitsinerup kingorna avatangiisinik saliineq ingerlatallu tamakkununga assingusut ingerlatissallugit.

Piginneqatigiiffik aktieselskabitut inatsisitigut inuuvoq namminersortoq, Namminersorlutik Oqartussanut aamma Naalakkersuisunut akisussaaffeqartitsinani sammisaminik ingerlatsisoq.

Imm. 4-mi allassimavoq piginneqatigiiffik niuernerpalaartumik tunngaveqarluni ingerlanneqassasoq. Tamatumani ilaatigut siunertaavoq piginneqatigiiffik ingerlatsinermi niuernermilu imminut napatittumik ingerlanneqarsinnaanerani paasinarsaaneq. Piginneqatigiiffik ingerlatsinerminut Naalakkersuisunit tapiissutinik pissarsisassanngilaq.

Taamattaq piginneqatigiiffik siunersuutip § 1, imm. 5-iani siunertatut taaneqartut eqqarsaatigalugit aamma ingerlanneqartussaammat, tassalu Kalaallit Nunaanni uuliamik mingutsitsinermit upalungaarsimaffimmik pilersitsinissaq.

Piginneqatigiiffiup niuernerpalaartumik tunngaveqartumik ingerlatsinissaata tunngavigissanngilaa, piginneqatigiiffik piginneqataasunut sapinngisamik amerlanerpaanik imaluunniit aningaasaatit amerliartuaartinneqarnissaannik pilersitsinissaq anguniassallugu. Akerlianik piginneqatigiiffiup anguniassavaa, aningaasaatitigut piareersimasuutit qaqugukkulluunniit piginneqatigiiffup ingerlanneqarnerata tungaanut isumannaatsuunissaa, kiisalu piginneqatigiiffiup ingerlanneqarnera sinneqartoortitsissasoq, taamaalilluni piginneqatigiiffik uuliamik mingutsitsinissamut upalungaarsimanermi il.il. sammisaminik ingerlatsinerminut periarfissaqassammat, kiisalu piginneqatigiiffiup siunertai malillugit uuliamik mingutsitsinissamut upalungaarsimaneq pilersissinnaallugu inerisarsinnaallugulu, tak. siunnersuutip § 1, imm. 4 aamma 5-iat.

Piginneqatigiiffiup ingerlatai aatsitassarsiornerup iluani sammisanut allanut annertusarneqarsinnaapput imaluunniit sammisat allat siunertamut pingaarnermut pissusissamisoortumik attuumassuteqarpata. Piginneqatigiiffiup sammisaasa annertusarneqarnerai piginneqatigiiffiup maleruagassaani allassimassapput.

Piginneqatigiiffiup ingerlatai assersuutigalugu immami ammaannartumi imaluunniit imartani iliorpasinnerusunut annertusarneqarsinnaapput, soorlu kangerlunni uuliamik mingutsitsinissamut aarlerinaateqartoqartillugu. Taamaassappat piginneqatigiiffiup ingerlataanut ilanngunneqarsinnaapput umiarsuup annertuumik orsussaartup umiarnarata kingorna avatangiisinik saliineq.

Imm. 5 malillugu piginneqatigiiffik aammattaq pisussaavoq Kalaallit Nunaanni aatsitassarsiornerup iluani uuliamik mingutsitsinermi upalungaarsimanissamik pilersitsinermit, ingerlatsinermit inerisaanermullu peqataanissaq.

Upalungaarsimanerup Kalaallit Nunaanni aatsitassanik ingerlataqarnerup ineriartornera ilutigalugu pilersinneqarnissaa siunertarineqarpoq.

Aalajangersakkat piginneqatigiiffik suliniuteqartussatut pisussaaffimmik peqquaa, piginneqatigiiffiullu Kalaallit Nunaanni aatsitassarsiornerup iluani uuliamik mingutsitsinissamut upalungaarsimanissaq pillugu nalinginnaasumik oqartussanik piginnaatitsissummillu pigisaqartumik suleqateqassaaq. Assersuutigalugu sungiusarnerni assigisaannilu peqataasarnikkut.

Imm. 6-imut

Aalajangersakkami allassimavoq piginneqatigiiffik aktieselskabitut suliaminik ingerlatsissasoq Namminersorlutik Oqartussanut, taamaalillunilu Naalackersuisunut aningaasatigut akisussaaffiliinani. Tamanna atuutissaaq piginneqatigiiffiit pillugit inatsisini malittarisassat allatut inerniliigaluarpataluunniit.

Aalajangersakkami qulakkeerneqarpoq aningaasatigut akisussaaffiliineq atuutilissanngitsoq, piginneqatigiiffiullu ingerlataanut Namminersorlutik Oqartussat akisussaatinneqassanngitsut.

Aktieselskabinut malittarisassat (aktieselskabit pillugit inatsimmi § 1, imm. 2) malillugit piginneqataassuteqartut piginneqatigiiffiup pisussaaffiinut (akiitsuinut) sunilluunniit pisussaaffinnik kinguneqassanngillat. Aallaavilli taanna pisut ilaanni uniorneqarsinnaavoq, piginnittuusoq piginneqatigiiffiup ingerlanneqarneranut ima sakkortutigisumik akuliuppat, piginnittoq piginneqatigiiffimmik aqutsisimalluni, kiisalu piginneqatigiiffiup piginnittullu aningaasaatai akuleriisinneqarsimallutik. Pisussaaffiliinermut atuilersitsineq kiisalu aktieselskabit pillugit inatsisip § 1, imm. 2-anik uniuinissamut aallaavik nalinginnaasumik inatsisitigut immikkut piginnaatitsissummik pisariaqartitsissaaq, kukkunerit ingasattut imaluunniit inuup allap piginneqatigiiffik peqatigalugu iliuuseqarsimalluni ilisimasimanngippagu.

Namminersorlutik Oqartussat piginneqatigiiffimmu qanoq ilisukku akisussaannersoq pillugu qularuteqartoqarnissaa pinngitsoortinniarlugu § 1, imm. 6. 2. pkt.-imi erseqqissaatigineqarpoq, piginneqatigiiffik nammineerluni suliaqassasoq Namminersorlutik Oqartussanut akisussaaffiliinani ingerlanneqassalluni. Tamannalu atuutissasoq, piginneqatigiiffinnut inatsisitigut malittarisassat nalinginnaasut inernernik allanilluunniit nassataqassagaluarpata.

Taamaalilluni aalajangersagaq marlunnik siunertaqarpoq. Ilaatigut malittarisassat nalinginnaasut innersuussippu, piginneqataassuteqartut piginneqatigiiffimmu akiliutitik sinnerlugit namminneerlutik akisussaaffilerneqassanngitsut, ilutigitillugulu qulakkeerininnissaq siunertaralugu, taamalluunniit pisoqaraluartillugu aningaasatigut akisussaaffiliinermik uniuineq pillugu eqqarsaatersortoqarneq apeqqutaatinnagu

Namminersorlutik Oqartussat eqqartuussivitsigut suliassanut peqataanissaq piffissaajaatigissanngikkaat. Tamanna ilutigitillugu piginneqatigiiffiup sammisaqarneranut Namminersorlutik Oqartussat akisussaaffinnik sunilluunniit akisussaaffilerneqassanngivissut.

Aalajangersakkami eqqarsaatigineqassaaq piginneqatigiiffik taama pisoqartillugu eqqartuussivimmuut tunniussinerit annertuut nalaatissallugit aarlerissutaasinnaammata, eqqartuussivimmuut tunniussisumuut periutsit assigiissaarluarsimasut nalaattussaammagit, eqqartuussummi peqataasussat sapinngisamik amerlanerpaat taarsiissuteqarnissamut akisussaasuusinnaaneq peqataatinniarneqassammata, tamakkununga ilaalluni piginnittoq.

§ 2-mut

Siunnersuutip § 2, imm. 1-3

Nassuiaatigaat oqariaatsit uulia, ikummatissat aamma piginneqatigiiffik pillugit qanoq paasisariaqarnersut.

Uulia pillugu paasineqassapput uulia ikummatissallu allat.

Aatsitassanut inatsisip § 5, imm. 2-4-mi erseqqinnerusumik eqqaaneqarpoq ikummatissat pillugit qanoq paasinnittoqassasoq. Aatsitassanut inatsimmuut siunnersuummi § 5, imm. 2-mut immikkut oqaaseqaatini allassimavoq, ikummatissanut ilaasut uulia aamma naturgas. Uulia aamma naturgas pillugit aatsitassanut inatsimmi § 5, imm. 3 aamma 4-mi erseqqinnerusumik nassuiaatigineqarput.

Aatsitassanut inatsisip § 5, imm. 3-at malillugu uulia tassaavoq ikummatissat suulluunniit imerpalasuutillutik assigiissaartumik silaannarmik naqitsineqartut (1,01325 bar) aammalu kissassuseqartut (15 grader celsius).

Aatsitassanut inatsisip § 5, imm. 4-at malillugu naturgas tassaavoq ikummatissat suulluunniit silaannaatillutik assigiissaartumik silaannarmik naqitsineqartut (1,01325 bar) aammalu kissassuseqartut (15 grader celsius).

Siunnersuutip § 2, imm. 1-at aatsitassanut inatsisip malittarisassai taaguuseeriaasiilu malillugit paasineqassaaq.

Piginneqatigiiffittut paasineqassaaq Greenland Oil Spill Response A/S.

§ 3-mut

Aalajangersagaq malillugu piginneqatigiiffik aallaavittut ingerlatsinerminut taarsigassarsisinnaangilaq, piginneqatigiiffik niuernikkut imminut napatinniartussaagami.

Piginneqatigiiffilli taarsigassarsisinnaavoq ataatsimeersuartut tamanna akuerisimappassuk, taarsigassarsinerlu ataatsimeersuartut akuerisaanik aningaasalersuinissamut aningaasaliissutissanullu pilersaarut tunngavigalugit taarsigassarsineruppat.

§ 4-mut

Imm. 1-imut

Piginneqatigiiffimmut pingaarnertut anguniagaavoq, piginneqatigiiffik ukiut amerlavallaanngitsut iluanni tamakkiisumik ilaannakortumilluunniit namminersortunngorsarneqassasoq. Namminersorlutik Oqartussat piginnittuunerat annikilliertortinneqartariaqarpoq naggataatigullu atorunnaarluni. Namminersorlutik Oqartussat sulissarinnngilaat imaluunniit kissaatiginngilaat namminersorlutik suliffeqarfimmik ingerlataqarnissartik, taamaammallu Namminersorlutik Oqartussat peqataanerat piginneqatigiiffiup pilersinneqarnera ilutigalugu kiisalu Kalaallit Nunaanni uuliamik mingutsitsinissamut upalungaarsimaffimmik pigisaqarnissamut siunertap eqquutsikkiartornera ilutigalugu annikillisikkiartuaarneqartariaqarpoq.

Piginneqatigiiffiulli pilersinneqarnerani ukiuni siullerni Namminersorlutik Oqartussat piginneqatigiiffiup Kalaallit Nunaanni uuliamik mingutsitsinermut upalungaarsimaffittut ingerlanneqarneranut pilersinneqarneranullu aalajangiisuusumik imaluunniit piginnittutut annertuumik sunniuteqarfigisariaqarpaat. Taamatuttaaq IBA pillugit isumaqatigiissutit aqqutigalugit atortunik amerlanerusunik pissarsinissaq siunertaralugu Namminersorlutik Oqartussat piginnittuunissaat pisariaqarluni.

Taamaammat aalajangersagaq taamaallaat pisinnaatitsissutinik imaqarpoq, Namminersorlutik Oqartussat piginneqatigiiffimmi aktiaatiminik tunisiartuaarnissaanut, taamaalillunilu piginneqatigiiffimmut sunniuteqarnerat aamma annikilliertuaassalluni.

Imm. 2-mut

Aalajangersakkami siunertatut eqqarsaatigineqassaaq, piginneqatigiiffik suliffeqarfimmik namminersorluni ingerlatsissasoq. Tunngavigineqassaaq piginneqatigiiffik niurfimmik imminut napatittumik ingerlatsisinnalerneru ilutigalugu Namminersorlutik Oqartussat piginneqataassutiminnik tunisissasut. Tamatuma nalaani Kalaallit Nunaanni ingerlatat ima annertutigilersimasinnaapput, suliffeqarfiit allat Kalaallit Nunaanni pilersitsinissartik kissaatigilersimallugu. §§ 8 aamma 9-mi aalajangersakkat malillugit taamaalereerpat unammilleqatigiinneq equngasutut isumaqarfiginarsinnaassaaq, nunallu tamat isumaqatigiissutaannik unioqutitsinerussallutik.

Taamaammat aalajangersakkap aalajangerpaa, §§ 8 aamma 9 atorneqassanngisut, Namminersorlutik Oqartussaannngitsut allalli piginneqatigiiffimmi 2/3-ii sinnerlugit piginnittuulerpata. Piffissap toqqarneqarneranut peqputaavoq, taamanikornissaanut Namminersorlutik Oqartussat ataatsimeersuarnermi akerliliillutik taasinissaminnut periarfissartik annaareersimassammassuk.

Naatsorsuutigineqartariaqarpoq tamakkiisumik namminersortunngorsaaneermut atatillugu Inatsisartut inatsisaat tamarmiisoq atorunnaarsinneqassasoq. Taamaammat aalajangersakkami eqqarsaatigineqarpoq, Namminersorlutik Oqartussat piginneqatigiiffimmi piginneqataassutit pingajorarterutaannik ikinnerit suli pigisaqarnerisa kiisalu piginneqataassutit tunineqareernissaasa tungaannut piffissap akornanni aalajangersakkat ilaat atorneqartariaqanngitsut.

§ 5-imut

Imm. 1-imut

Imm. 1-ip siulersuisut ataatsimoorlutik piginnaasaqarfitsigut qaffasissusissaat aalajangerpai. Siulersuisut ataatsimoorlutik inuussutissarsiornermi aqutsinermillu nalinginnaasumik piginnaasaqassapput kiisalu piginneqatigiiffiup sammisaani ilisimasaqartussaallutik, tamakkununga pingaartumik ilaallutik aatsitassarsiornermi ingerlatsinermut, uuliamik mingutsitsinermi upalungaarsimanermut, uuliamik mingutsitsinermik akiuinermut kiisalu uuliamik mingutsitsisoqarsimatillugu avatangiisinik saliinermut.

Piginnaassuseqarnissamut piunasaqaatit siulersuisut sammisani piginneqatigiiffiup sammisarisassaasa iluini annertuumik misilittagaqarnissaannut immikkullu ilisimasaqarnissaannut qulakkeerineqataassapput.

Siulersuisunut ilaasortat tassaasariaqarput inuit suliaqarfitsigut piginnaasanik uppernarsarneqarsinnaasunik piginnaasaqartunik qinersineqartariaqartoq, siulersuisullu katiterneranni qulakkeerneqassaaq, siulersuisut ataatsimoortutut piginnaasaqassasut, siulersuisut suliassaminnik sapinngisamik pitsaanerpaamik ingerlatsinissaannut qaqugukkulluunniit pisariaqartitanik piginnaasaqarlutik.

Imm. 2-mut

Imm. 2 malillugu Inatsisartunut imaluunniit Naalakkersuisunut ilaasortaq siulersuisunut qinigaqqusaanngilaq.

Siulersuisutut atuuffik tunngaviumik soqutigisanik aporaaffinnik kinguneqarsinnaavoq, ilaatigut nakkutilliisutut atuuffimmut, Naalakkersuisut isumagisarisaat (piginneqatigiiffiup

Namminersorlutik Oqartussat aktielselskabiata tungaanut), kiisalu Inatsisartut nakkutilliisutut atuuffiinit (Naalakkersuisut tungaannut).

Imm. 3-mut

Imm. 3 malillugu imm. 2 atuutissanngilaq, ingerlatseqatigiiffimmi piginneqataassutit ikinnerpaamik 2/3-ii Namminersorlutik Oqartussaniunngitsoq allanit pigineqarpata. Aalajangersagaq siunnersuutip § 4-raanut attuumassuteqartutut isigineqartariaqarpoq, taanna malillugu Namminersorlutik Oqartussat piginneqatigiiffimmi piginneqatigiissutiminnik naafferartunik tunisisinnaassapput. Aalajangersakkap siunertai tulluurtutut isigineqarunnaassapput, Namminersorlutik Oqartussat piginneqatigiiffimmi piginneqatigiissutit pingajorarterutaannaannik ikinnerusunilluunniit pigisaqalerpata.

§ 6-imut

Imm. 1-imut

Siulersuisunut ilassutitut qinersinissaq siunertaralugu siulersuisut qaqugukkut immikkut ittumik ataatsimeersuarnissamut aggersaassassanersut imm. 1-imi aalajangersarneqarpoq.

Imm. 1, nr. 1 malillugu siulersuisunut ilaasortaq ataaseq tunuarpat siulersuisunut ilassutaasumik qinersinissaq siunertaralugu immikkut ittumik ataatsimeersuarnissamut aggersaanissamut siulersuisut pisussaaffeqarput. Aalajangersakkap ilaatigut aktieselskabit pillugit inatsisip § 50-at tunngavigaa, taanna malillugu siulersuisunut ilaasortaq qaqugukkulluunniit siulersuisunit tunuarsinnaammat. Siulersuisunut ilaasortaq ataaseq toqukkut qimaguppat aalajangersagaq assinganik atuutissaaq.

Aalajangersakkami siulersuisunut ilaasortaq pineqartoq siunnersuutip akiliisinnaassusissamut, ataqqinassutsimik aamma atuussinnaassutsimut ilaalu ilanngullugit piunasaqaatai eqquutsissinnaangikkunigit siulersuisunit ingerlaannartumik tunuarnissani pillugu siulersuisut ingerlaannartumik kalerrinnissaannut siulersuisunut ilaasortaq pisussaattippaa. Taamattaq siulersuisunut ilaasortaq pineqartoq taarserlugu siulersuisunut ilaasortamik allamik qinersisoqarnissaa siunertaralugu immikkut ittumik ataatsimeersuarnissamut aalajangersakkap siulersuisut aggersaanissaannut pisussaaffilerpai.

Aalajangersakkat assingusut aningaasaateqarfik pillugu inatsisip § 13, imm. 3 aamma inuussutissarsiornermik aningaasaateqarfik pillugu § 14, imm. 3-mi aamma allassimapput. Tassani tunngavigineqassaaq ataqqinassutsimik nalinginnaasumik naliliinerup malittarisassat aningaasaateqarfinni aamma inuussutissarsiornermik ingerlataqartut aningaasaateqarfiini siulersuisut tungaannut atuuttut malissammagit.

Aalajangersagaq taanna malillugu assingusumik atuuppoq, siulersuisunut ilaasortaq atuuffimminik isumaginninnissaminut malunnartumik tulluukkunnaarsimappat, assersuutigalugu ilaasortaq suliaqarfitsigut pikkorissutsimik pisariaqartitamik amigaateqartoq malunnarsisimappat, siulersuisunut qinerneqarnermi tunngaviusimasoq.

Pisut imm. 1, nr. 2-5-imi taaneqartut arlaat siulersuisunut ilaasortap tungaanut atuutilerpat, siulersuisunut ilaasortap pissuseq pillugu siulersuisunut ilaasortat sinneri ingerlaannartumik nalunaarfigissavai siulersuisunillu ingerlaannartumik tunuarluni.

Imm. 1, nr. 1-5-mi aalajangersagaq siulersuisunut ilaasortanut ataatsimeersuarnermi qinigaasimasunut taamaallaat atuussinnaavoq. Aalajangersagaq siulersuisunut ilaasortanut piginneqatigiiffiup ineriartornerani piffissami kingusinnerusukkut piginneqatigiiffiup sulisuinit toqqarneqarsimallutik qinigaasimasunut atuutinngilaq. Siulersuisunullu ilaasortap taamaattup tungaanut imm. 1, nr. 2-5-mi aalajangersakkat tunngaviusumik ilitsersuutitut atuuppoq, siulersuisunut ilaasortaq qaqugukkut siulersuisunit tunuartariaqassanersoq kiisalu sulisut inummik allamik siulersuisunut ilaasortassamik toqqaasariaqarnersut.

Imm. 2-mut

Imm. 2, imm. 1, nr. 2-5-imut innersuussilluni allassimavoq, siulersuisunut ilaasortaq pissutsini imm. 1, nr. 2-4-mi eqqartorneqartunut ilaaguni siulersuisut ilisimatissallugit pissusaatitaasoq, taamaassappallu ilaasortaasoq siulersuisunit aamma tunuassasoq.

Aktieselskabini Namminersorlutik Oqartussanit pigineqartuni siulersuisuni sinniisaasunut atorneqartarnera ileqqunngilaq. Sinniisit qinigaassappata, imm. 1-2 sinniisit qinigaasunut assingusumik atuuppoq.

Aalajangersagaq siunnersuutip § 5, imm. 3-mut malinnippoq. § 3, § 5, imm. 3-mut oqaaseqaatit takukkit.

§ 7-imut

Imm. 1-imut

Imm. 1-imi aalajangersakkat aktieselskabit pillugit inatsisip § 51-iani aalajangigaavoq, siulersuisut aqutsisunik atorfinitsitsissasut siulersuisut piginnaasassaattut piumasaqaatit assinginik piginnaasaqartunik, tak. § 5, imm. 1, taassumunngalu oqaaseqaatit.

Aalajangersakkami qularnaarneqassaaq inuk pisortatut taamaallaat atorfinitsinneqarsinnaasoq, siulersuisut piginnaasaqarnissaannut piumasaqaatit assingusut malillugit suliaqarfitsigut tulluurtunik piginnaasaqartoq atorfinitsinneqarsinnaasoq.

Imm. 2-mut

Imm. 2 malillugu inuk akileraartarnermut inatsimmik annertuumik unioqqutsitsisimasutut imaluunniit aningaasarsiornermi pinerluuteqartarneq pillugu Kalaallit Nunaanni pinerluttulerinermi inatsisip aalajangersagaanik eqqartuussutikkut pineqaatissinneqarsimasoq piginneqatigiiffimmi pisortanngorsinnaanngitsoq.

Imm. 3-mut

Imm. 3-mi aalajangerneqarpoq inuk Inatsisartunut imaluunniit Naalakkersuisunut ilaasortaasoq pisortanngorsinnaanngitsoq. Taama assingusumik § 5, imm. 2 malillugu siulersuisunut ilaasortanut atuuppoq.

Imm. 4-mut

Aalajangersagaq siunnersuutip § 5, imm. 3-iata assingaa. § 5, imm. 3-mut oqaaseqaatit takukkit.

§ 8-mut

Imm. 1-imut

Imm. 1 malillugu aatsitassanut inatsit malillugu piginnaatitsissummik pigisaqartoq malittarisassatut pingaarnertut kiffartuunneqarnissamik piginneqatigiiffimmik isumaqatigiissusiussaaq.

Piginneqatigiiffik uuliamik mingutsitsinissamut upalungaarsimaneq, uuliamik mingutsitsinissamut akiuineq kiisalu uuliamik mingutsitsisimanerup kingorna avatangiisinik saliinissamut kiffartuussutinik sullissinissaq pillugu namminersortut pisortallu suliffeqarfiinik isumaqatigiissusiorsinnaavoq.

Imm. 2-mut

Imm. 2-mi nr. 1-3-mi pineqarpoq kiffartuunneqarnissamik isumaqatigiissutit suut imm. 1 malillugu piginnaatitsissummik pigisaqartup isumaqatigiissutigissallugit eqquutsissallugillu pisussaaffeqarnersoq.

Imm. 2 ikummatsissanik (imm. 2, nr. 1) misissueqqaarnissamut, misissuinissamut imaluunniit qalluinissamut imaluunniit ikummatissanut aatsitassanullu (imm. 2, nr. 2) akuersissutit malillugit piginnaatitsissummik pigisaqartunut atuuppoq. Imm. 2, nr. 3 ruujorikkut aqqutinik, ingerlatanut aatsitassanut inatsimmut ilaasunut atugassanik, ingerlatsinissamut pilersitsinissamullu piginnaatitsissummik pigisaqartunut atuuppoq.

Imm. 2, nr. 1-3-mi akileeriaatsit pingasut pineqarput: Pisartagaqartutut akiliutit, atuinissamut piareersimatitsinermut akiliutit aamma sullinneqarnermut akiliutit. Akileeriaatsit assigiinngitsut § 9, imm. 3-mi nassuiaatigineqarput.

Imm. 2, nr. 1 aamma 3 malillugit pisartagaqartut akiliutit akilerneqassapput. Imm. 2, nr. 1-3 malillugit piginnaatitsissummik pigisaqartoq atuinnissamut piareersimatitsinermut akiliutinik akiliissaaq, pineqartoq ingerlatanik isumagisaqarpat, sullinneqarnermullu akiliutinik pineqartoq piginneqatigiiffimmit sullinneqarnermik pissarsiguni.

Imm. 3-mut

Imm. 3-mi aalajangiineqarpoq imm. 2, nr. 1-3-mi pisut taaneqartut saniatigut isumaqatigiissuteqartoqarsinnaasoq.

Aalajangersakkami periarfissiineqarpoq Naalakkersuisut nalunaaruteqarnikkut aalajangersaasinnaasut, aatsitassanut inatsit malillugu piginnaatitsissummik pigisaqartoq pisuni allani piginneqatigiiffiup kiffartuussutai pillugit GOSR A/S'imik isumaqatigiissuteqassasoq.

Pisinnaatitsineq taamaallaat atorneqartussatut tunngavigineqarpoq, piumassuseq malillugu isumaqatigiissut siunertamik eqquutsitsisinnaangippat. Tassani assersuutigineqarsinnaapput kissaatigineqartuni amerlavallaat imminnut assortuuppata, aalajangersimasumillu aaqqiissuteqarnissaq pisariaqartinneqartoq nalilerneqarpat. Assersuutigineqarsinnaapput piffissani aalajangersimasuni sungiusartarnissaq assigisaallu pillugit isumaqatigiissutit.

Imm. 4-mut

Imm. 4 pinngitsoortitsinissaq pillugu imm. 1-3-mut aalajangersagaavoq. Imm. 4-mi aalajangerneqarpoq, imm. 1-3 atorneqassasoq piginnaatitsissummik pigisaqartup uppersarsassagaa piginneqatigiiffiup sullissinera teknikkikkut imaluunniit aningaasarsiornikkut malunnartumik unammillersinnaassuseqanngitsut. Imm. 1-3 taamattaq atorneqassanngilaq, piginnaatitsissummik pigisaqartoq kalaallit suliffeqarfianik kiffartuussutinik tunniussinissaa pillugu isumaqatigiissusiorsimappat eqquutsitsillunilu, imm. 1-3 malillugu sullinneqarnernut assingusunik.

Taamaalilluni piginnaatitsissummik pigisaqartup uppersarsassavaa, piginneqatigiiffik sammisani kiffartuussutit pineqartutut taaneqartuni malunnartumik unammillersinnaassuseqanngitsaq, imaluunniit piginnaatitsissummik pigisaqartoq kiffartuussutinik assingusunik sullinneqarnerup isumagineqarnissaannut kalaallit suliffeqarfiinik allanik isumaqatigiissusiorsimalluni eqquutsitsillunilu.

Piginneqatigiiffiup kiffartuussutai imaluunniit kiffartuussinermi sullissinissamut atugassarititai teknikkikkut imaluunniit aningaasarsiorneq eqqarsaatigalugu malunnartumik unammillersinnaassuseqanngitsut pisinnaatitsissummik pigisaqartup uppersarsarusukkunigit, suliffeqarfik ataaseq arlallilluunniit kiffartuussutinik assingusunik imaluunniit pitsaanagerusunik tamakkiisumik isumaginnissinnaasut piginnaatitsissummik pigisaqartup ilaatigut uppersarsassavaa. Kiffartuussutit pitsaassusii ilaatigut uuliamik mingutsitsinissamut

upalungaarsimaneq, uuliamik mingutsitsinissamut akiuineq aamma uuliamik mingutsitsinerup kingorna avatangiisinik saliinermut siunnersuutip aamma aatsitassanut inatsisip malittarisassaasa tungaannut nalilersorneqartariaqarput. Taamaalilluni pilersuisut allat kiffartuussutaannut ataatsimut isigalugit pigineqassapput upalungaarsimanermut atortut Kalaallit Nunaanni uninngatinneqartut atoriaannaasullu, piginneqatigiiffiup upalungaarsimanermut atortuisut Kalaallit Nunaanni uninngatinneqartut atoriaannaasutullu assingusumik annertussuseqarlutillu pitsaassuseqartut. Taamattaaq pilersuisut allat atortui Kalaallit Nunaanniittut taamaallaat Kalaallit Nunaanni atorneqartussanngorlugit atoriaannaasariaqarput allanik tamakkuninnga isumaqatigiissuteqarluni nunani allaniitinneqanngitsut. Tamakku saniatigut pilersuisut allat atortui Kalaallit Nunaanni atorneqarnissaannut piareersimasussaapput piginneqatigiiffiup atortuisut minnerpaamik taama pilertortigisumik sunniuteqartigisumillu atorsinnaanersut. Tamakku saniatigut pilersuisut allat atortui Kalaallit Nunaanni atornissaannut piareersimassapput, piginneqatigiiffiup atortuisut minnerpaamik assinganik piffissami imaluunniit piffissani tulluurtuni. Piffissaq tulluurtuq tassaasinnaavoq ukioq ilivitsoq aamma piffissamik akuersissuteqarfiusumi ukiut tamaasa.

Pissutsit taaneqartut taamattaaq piginneqatigiiffiup kiffartuussutaanut pisartagaqartutut akiliut teknikkikkut aningaasarsiornerlu eqqarsaatigalugu unammillersinnaassuseqarnersut aalajangiisumik nalilerneqassagaangata.

Pissutsit qulaani taaneqartut uppernarsarneqassagaangata siunnersuutip § 9-at eqqarsaatigalugu pineqartariaqarput.

Imm. 5-imut

Aalajangersagaq malillugu Naalakkersuisut piginnaatinneqarput piginnaatitsissummik pigisaqartoq peqqussallugu, akuersissut malillugu ingerlatanik isumagisaqaqqusaanngitsoq, piginnaatitsissummik pigisaqartup imm. 1-imi taaneqartutut kiffartuunneqarnissamut isumaqatigiissummik isumaqatigiissusioreersimanngippat eqquutsitsereersimanngippallu, imaluunniit pissutsit marluk taaneqartut arlaat uppernarsaqaarsimanngikkuniuk.

Pissuseq siulleq tassaavoq piginneqatigiiffiup kiffartuussutai imaluunniit piginneqatigiiffiup kiffartuussummik isumaginninnissaanut atugassarititai malunnartumik teknikkikkut imaluunniit aningaasarsiorneq eqqarsaatigalugu unammillersinnaassuseqanngippata, tak. imm. 4.

Pissutsip aappaa tassaavoq, piginnaatitsissummik pigisaqartoq kiffartuussutinik isumaginninnissamut kiffartuussutinut imm. 1-3-mut ilaasunut assingusunik kalaallit suliffeqarfianik ataatsimik arlalinnilluunniit isumaqatigiissummik ataatsimik arlalinnilluunniit isumaqatigiissuteqarsimappat eqquutsitsillunilu, tak. imm. 4.

Imm. 6-imut

Aalajangersakkami pineqarpoq piginnaatitsissummik pigisaqartoq, isumaqatigiissummik imm. 1-imi taaneqartumik isumaqatigiissuteqartoq eqquutsitsillunilu, tamatuma saniatigut taamattaq ingerlatanik allanik isumaginnissasoq iliussissanillu allanik aalajangiilluni, tamakkununga ilaallutik kiffartuussutinik imm. 1-imi taaneqartunik pisariaqartitsineqarpat isumaginnitsitsinissamut pilersuisunik allanik isumaqatigiissusiorlunilu eqquutsitsissalluni. Tamanna aatsitassanut inatsit, akuersissut imaluunniit akuersissut malillugu ingerlatassanut pilersaarut malillugu uuliamik mingutsitsinissamut upalungaarsimanissamut il.il. piunasaqaatit eqquutsinniarlugit pisariaqarsinnaavoq, imaluunniit allatut uuliamik mingutsitsinissamut il.il. isumannaatsumik upalungaarsimatitsissaguni.

§ 9

Imm. 1-imut

Imm. 1 malillugu kiffartuussutit piginneqatigiiffiup § 8-aat malillugu tunniunneqartut, ataatsimut isigalugu niueqatigiinnermi atugassarititaasut niueqatigiinnermilu akigitat malillugit tunniunneqassapput. Siunnersuummi § 1, imm. 5 malillugu piginneqatigiiffik uuliamik mingutsitsinissamut upalungaarsimaffimmik pilersitsinissamut, ingerlatsinissamut inerisaanissamullu peqataassaaq. Piginneqatigiiffiup tamatumunnga aningaasartuutai piginneqatigiiffiup kiffartuussinerani akiliutinik kiffartuunneqartup akiliineratigut matussuserneqartariaqarput.

Upalungaarsimaneq aallaavittut inerisarneqarniartariaqarpoq, Kalaallit Nunaanni aatsitassarsiornermik ingerlatsinerup annertusiartornerata tulluurtumik malitsigisaanik imaluunniit Kalaallit Nunaanni uuliamik mingutsitsinissamut upalungaarsimanermit piunasaqaatit annertusiartornerisa malitsigisaanik.

Taamaattorli uuliamik mingutsitsinissamut upalungaarsimanerup annertusinera piviusunngortinniartariaqarpoq, taamaalilluni piginneqatigiiffiup akiutai atugassarititaalu niueqatigiinnermi akinut atugassarititaanullu annertuumik nikingassutinik nassataqartinnagit.

Imm. 2-mut

Imm. 2 malillugu akiliutit ilaatigut pisartaqartutut akiliutit, atuisinnaanermut piareersimatitsinermut akiliutit imaluunniit sullinneqarnermi akiliutit aalajangerneqarsinnaapput.

Pisartagaqartutut akiliutit piffissakkaartumik siumoortumik akilerneqassapput, piffissami pineqartumi piginnaatitsissummik pigisaqartoq ingerlataqarsimagaluarpalluunniit apeqqutaatinnagu, kiisalu piginnaatitsissummik pigisaqartoq piginneqatigiiffimmit kiffartuussutinik pissarsisimagaluarpalluunniit apeqqutaatinnagu.

Atuisinnaanermut piareersimanermut akiliut piffissami piginnaatitsissummik pigisaqartup ingerlataminik suliaqarnerata nalaani sullinneqarnissamik pissarsisinnaanermut akiliutigineqassaaq.

Sullinneqarnermut akiliut akilerneqassaaq piginnaatitsissummik pigisaqartoq piginneqatigiiffimmit sullinneqarsimappat.

Akiliutit taaneqartut suussutsinut pingaarnernut assersuutaannaapput. Akiliutit assigiinngitsut allat atorneqarsinnaassapput, piginneqatigiiffillu akinik aalajangiinermi pissutsinik allanik ilanngussisinnaalluni.

Imm. 3-mut

Imm. 3 malillugu pisartagaqartutut akiliut piffissakkaartumik siumoortumik akilerneqartassaaq. Tamannattaaq atuuppoq atuinissamut piareersimanermut akiliut, suliarineqartut isumaginissaat siumoortumik ilisimaneqarsimappata.

§ 10-mut

Imm. 1-imut

Imm. 1-imi aalajangerneqarpoq piginneqatigiiffimmut eqqartuussutit taamaallaat Kalaallit Nunaanni Eqqartuussivimmu suliaqarfissatut siullertut tunniunneqassatut. Taamaallilluni Kalaallit Nunaanni Eqqartuussivik piginneqatigiiffiup tungaanut piumasqaarnernut suliakkiissutinut tamanut immikkorluinnaq eqqartuussutinut immikkut ilisimasaqartuuvoq. Eqqartuussutinut immikkut ilisimasaqartunut malittarisassat nalinginnaasut Kalaallit Nunaannut atuuttut malillugit, tak. §§ 55-57 inatsit Kalaallit Nunaannut atuuttoq, illoqarfinni eqqartuussiviit aallaavittut immikkut ilisimasalittut siullertut suliarinnittussaapput.

Imm. 1 pinngitsoortitsissaaq piginneqatigiiffiup tungaanut piumasqaateqarluni eqqartuussutit eqqartuussivimmu tunniunneqarsinnaasut, sumiiffimmi piginnaasaqarnissat pillugit malittarisassat nalinginnaasut malillugit piginnaasaqartutut inissisimasuuppat.

Imm. 1-ip ilaatigut qulakkiissavaa, piginneqatigiiffik sumiiffinni allani eqqartuussivinnut tunniunneqarsinnaanngitsoq taamaallaalli suliarinnittussatut siullertut Kalaallit Nunaanni Eqqartuussivimmi, piginneqatigiiffillu malittarisassanut allanut atuutsinneqassanngitsoq, tamakkununga ilaallutik taarsiisussaaitaanermut akisussaaffik, taamaallaat inatsisitigut toqqaanermi malittarisassat atuuttut Kalaallit Nunaannut atuuttut.

Imm. 2-mut

Imm. 2 malillugu piginneqatigiiffik aallaavittut siunnersuut malillugu piginneqatigiiffiup ingerlatsinera pillugu piumasqaatinik eqqartuussutinik sunilluunniit tunniussisinnaavoq,

tamakkununga ilaallutik inuttut inatsisitigut piunasaqaatit illuatungerisaminut Kalaallit Nunaanni imaluunniit nunami allami najugaqartumut, Kalaallit Nunaanni Eqqartuussivimmu suliarinnittussatut siullertut. Aallaavik taanna taamaallaat uniorneqarsinnaavoq, nunat tamat isumaqatigiissutaannik allatut aalajangersaasoqarsimappat imaluunniit piginneqatigiiffik pilersuisuminik imaluunniit sullissinissaminik allanik isumaqatigiissuteqarsimappat.

Eqqartuussutit taamaattut Kalaallit Nunaanni Eqqartuussivimmu suliaqartussatut siullertut tunniunneqartarnissaat pillugu malittarisassaq Kalaallit Nunaannut inatsimmi eqqartuussivittut immikkut ilisimannittutut malittarisassanit nalinginnaasunit allaaneruvoq, taanna malillugu illoqarfinni eqqartuussiviit suliaqartussatut siullertut aallaaviusarmata.

Inatsisartut inatsisaat manna malillugu piginneqatigiiffiup ingerlataani paasineqassapput, siunnersuutip § 1, imm. 4 aamma 5 malillugit piginneqatigiiffiup uuliamik mingutsitsinissamut upalungaaqqutitut suliaanut eqqartuussutit attuumassuteqassammata. Piginneqatigiiffiup suliffeqarfittut ingerlatsineranut nalinginnaasunut eqqartuussutit, soorlu allaffimmi atortunik pisiortorneq, atorfinitsitsinermi pisinnaatitaaffii il.il., Kalaallit Nunaanni inatsit malillugu ilisimasaqartutut malittarisassat nalinginnaasut malippaat.

Imm. 3-mut

Imm. 3 malillugu eqqartuussutit imm. 1 aamma 2 malillugit tunniunneqartut Kalaallit Nunaanni inatsisit malillugit aalajangiiffigineqartassapput. Inatsisinik toqqaaneq pillugu malittarisassat nalinginnaasut aallaaviussapput, aalajangersakkamili qulakkeerinninnissaq siunertaavoq, piginneqatigiiffik aallaavittut isumaqatigiissuteqassanngimmat, nunap allap inatsisai imaluunniit nunat tamat malittarisassa atorneqassasut pillugit.

§ 11-mut

Imm. 1-imut

Imm. 1 aqqutigalugu siunnersuutigineqarpoq, § 1, imm. 5 malillugu suliaassat immikkut ittut isumagineqarsinnaasut, § 8 malillugu isumaqatigiissutit imarisassa at kiisalu § 9 malillugu kiffartuussutinut akinik aalangersaasarnermut piunasaqaarit pillugit malittarisassa qarnissaat Naalakkersuisut erseqqinnerusumik malittarisassiuussisinnaasut.

Aalajangersagaq ilaatigut pisariaqartutut isumaqarfigineqarpoq, piginneqatigiiffik tulluannigitsunik akisutitsivallaarnissaminut salliutinneqartutut inissisimanerminik atonerluinnginnissaa qulakkeerniarlugu, kiisalu piginneqatigiiffiup §1, imm. 5-imi siunertatut aalajangersakkat tunngaannut immikkut suliaqartussatut peqquneqartarnissaa qulakkeerniarlugu. Tamakkununga ilaallutik upalungaarsimanermut sungisarnerni peqataasarnissaata tungaanut.

Naalakkersuisut taamattaaq piginnaatitsissummik pigisaqartut siunnersuummi § 8 malillugu piginneqatigiiffimmik isumaqatigiissusiornissaa eqquutsitsisarnissaalu pillugu Naalakkersuisut malittarisassanik erseqqinnerusunik aalajangersaasinnaapput, imaluunniit piginneqatigiiffiup kiffartuussutinik isumaginninnissaanut § 8-mi taaneqartuni isumaqatigiissutinut ilaasuni akini aalajangersaasarneq ataatsimut isiginnittumik piunasaqaatit pillugit erseqqinnerusumik malittarisassiissinnaallutik, tak. siunnersuutip § 9-at.

Akerlianik assersuutigallugu piginnaatitsissummik pigisaqartut atugaannut allanut Naalakkersuisut malittarisassanik erseqqinnerusumik aalajangersaasinnaangillat, tamakkununga ilaallutik pissutsit aatsitassanut inatsimmut ilaasut, malittarisassat aatsitassanut inatsit malillugu aalajangerneqarsimasut imaluunniit aatsitassanut inatsit malillugu akuersissutit tunniunneqarsimasut pillugit malittarisassanik.

Imm. 2-mut

Imm. 2-mi aalajangerneqarpoq, piginneqatigiiffiup atortui § 1, imm. 2-mi siunertanik eqquutsitsinersut, kiisalu piginneqatigiiffiup § 1, imm. 4-raanik eqquutsitsinersut, § 1, imm. 5 malillugu uuliamik mingutsitsinissamut upalunaarsimanermik ingerlatsineq aserfallatsaaliinerlu, kiisalu §§ 8 aamma 9 malillugit isumaqatigiissutinik kiffartuussutinillu eqquutsitsinersut, taakkunungalu akinik piginneqatigiiffiup naatsorsuisarneranut Naalakkersuisut nakkutilliisuusut. Nakkutilliineq Naalakkersuisut ataanni aatsitassanut oqartussanit isumagineqassaaq, nalinginnaasumillu nakkutilliisarnerup inatsisini Naalakkersuisut nakkutilliisuujarnerat nalinginnaasoq qaangerlugu inissisimalluni.

Piginneqatigiiffiup atortuminik aserfallatsaaliinissaa isumannaatsumillu toqqorsimatitsinissaa pingaaruteqarluinnarpoq. Taamaammat aalajangersagaq piginnaatitsinermik tungaviliivoq, oqartussatut nakkutilliisut kinaassutsimik uppenarsaatini takutitsinikkut qaqugukkulluunniit namminneq takkullutik nakkutilliiartorsinnaasut. Tamanna atuuppoq sulisut nakkutilliinermik isumaginnittut suliaminnik ingerlatsisinnaanerannut pisariaqarmat. Oqariaaseq ”oqartussatut nakkutilliinermi sulisut” ”Naalakkersuisunut” taarsiullugu atornerarnerata toqqarneqarnerani erseqqissarneqarmat, sulisut ikittuinnaat nakkutilliinermi sulisutut kinaassutsimik imminnut uppenarsaasinnaasut aalajangersagaq taanna malillugu isernissaminnut piunasaqarsinnaammata. Oqartussatut nakkutilliisut aatsitassarsiornermi oqartussani inissisimassapput.

Taamattaaq Naalakkersuisut piginnaatitsissummik pigisaqartup siunnersuut malillugu piginneqatigiiffimmik isumaqatigiissutaanik eqquutsitsinissaanillu taamaalilluni piginneqatigiiffiup atortuinik toqqaannartumik nakkutilliisuupput, kiisalu siunnersuutip § 9-at malillugu akit atugassarititaasullu pillugit isumaqatigiissutinik piginneqatigiiffiup aalajangiisarneranik imaluunniit siunnersuummi § 1, imm. 5-imi siunertat malillugit piginneqatigiiffiup uuliamik mingutsitsinissamut upalungaartitut pilersitsineranik,

ingerlatsineranik aserfallatsaaliineranillu Naalakkersuisut toqqaannartumik nakkutilliisuupput.

Siunnersuut malillugu Naalakkersuisut nakkutilliisuunerannut piginneqatigiiffik ilaanngillat imaluunniit piginnaatitsissummik pigisaqartup atugarisai allat, tamakkununnga ilaallutik selskabit pillugit inatsimmi pissutsit aatsitassanut inatsimmut ilaasut, aatsitassanut inatsit malillugu malittarisassat aalajangersarsimasut imaluunniit aatsitassanut inatsit malillugu akuersissutit tunniunneqarsimasut.

Imm. 3-mut

Imm. 3 malillugu Inatsisartut inatsisaannik taannalu malillugu malittarisassanik aalajangersarsimasunik eqquutsitsinissaq pillugu Naalakkersuisut peqqussutinik tunniussisinnaapput.

Piginnaatitsissummik pigisaqartumut taama peqqussuteqarneq taamaallaat pissutsinut siunnersuummut ilaasunut tunniunneqarsinnaapput, tamakkununnga ilaallutik piginnaatitsissummik pigisaqartup siunnersuummi § 8 malillugu piginneqatigiiffimmik isumaqatigiissutaanik taassumminngalu eqquutsitsinera. Aamma takuuk siunnersuummi § 8, imm. 5-imi peqqussuteqarneq pillugu malittarisassat.

Siunnersuut malillugu Naalakkersuisut nakkutilliisuunerannut ilaanngillat piginnaatitsissummik pigisaqartup atugarisai allat, tamakkununnga ilaallutik pissutsit aatsitassanut inatsimmut ilaasut, aatsitassanut inatsit malillugu malittarisassat aalajangersarsimasut imaluunniit aatsitassanut inatsit malillugu akuersissutit tunniunneqarsimasut.

Imm. 4-mut

Imm. 4 malillugu piginneqatigiiffik oqartussat allat tungaannut paasissutissiinissamut uppernarsaanissamullu pisussaataavoq. Paasissutissiinissamut uppernarsaanissamullu pisussaaffik assingusoq atuuppoq oqartussatut nakkutilliisup suliasani isumannaatsumik ingerlannissai eqqarsaatigalugit.

Paasissutissat uppernarsaatillu ilaatigut piginneqatigiiffiup taarsigassarsinera eqqarsaatigalugit apeqqutinik, tak. § 3, imm. 2 piginnaatitsissummik pigisaqartup piginneqatigiiffimmik isumaqatigiissusiorneranut eqquutsitsineranullu, tak. § 8, piginneqatigiiffiup kiffartuussutinik isumaginninnerani akinik piumasaqaatinillu aalajangersaaneranut atatillugu pisariaqartuusinnaapput.

Naalakkersuisut piginneqatigiiffik imaluunniit piginnaatitsissummik pigisaqartoq paasissutissanik tunniussinissaanut peqqusinnaavaa, paasissutissat suliamik nalilersuinissamut imaluunniit suliasaq inatsisinut ilaasoq isumannaatsumik nakkutilliinermik

ingerlatsinissaannut Naalakkersuisut pisariaqartinneqartutut isumaqarfigippatigit.

Naalakkersuisut aalajangiinissamut periarfissaqarput paasissutissanik tunniussineq aalajangersimasumik iluseqassasoq, assersuutigalugu CD-ROM-ikkut immiussatigit paasissutisseeriaatsilluunniit allat atorlugit.

Piginnaatitsissummik pigisaqartup paasissutissiinissamut uppersaanissamullu pisussaaffii taamaallaat piginnaatitsissummik pigisaqartup atugai siunnersuummut ilaasuinnarnut tunngavoq, piginnaatitsissummik pigisaqartup atugai allat pinnagit, tamakkununga ilaallutik pissutsit aatsitassanut inatsimmut ilaasut, aatsitassanut inatsit malillugu malittarisassat aalajangerneqarsimasut imaluunniit aatsitassanut inatsit malillugu akuersissutit tunniunneqarsimasut.

§ 12-imut

Imm. 1-imut

Imm. 1 piginnaatitsivoq pineqartumut piaaraluni imaluunniit annertuumik mianersuaalliornikkut nr. 1-3-mi taaneqartunik iliuuseqartoq akiliisitsinermik pineqaatissiineqarsinnaasoq.

Nr. 1 malillugu akiliisitsinermik pineqaatissinneqassaaq siunnersuummi § 11, imm. 4 malillugu oqartussat pissarsiarissallugit piumasaqaatigisaannik paasissutissanik piaaraluni imaluunniit annertuumik mianersuaalliornikkut eqqunngitsunik imaluunniit paasissutissanik putusaarutunik tunniussisoq imaluunniit paasissutissanik nipangiussisoq.

Aalajangersagaq qulakkeerinneqataassaaq paasissutissat suulluunniit nakkutilliinermut atatillugu imaluunniit oqartussatut allatut suliarinninnissamut attuumassuteqartut, piginneqatigiiffiup Naalakkersuisunut nalunaarutigisassai.

Nr. 2 malillugu akiliisitsinermik pineqaatissinneqassaaq § 8, imm. 1-4 malillugit isumaqatigiissutinik isumaqatigiissusiortussaallunilu eqquutsitsisussaq piaaraluni imaluunniit annertuumik mianersuaalliornikkut isumaqatigiissummik isumaqatigiissusiunngitsoorlunilu eqquutsitsinngitsoortoq. Aalajangersagaq § 8, imm. 1-imut attuumassuteqartut isigineqassaaq, tassani aalajangerneqarami aatsitassanut akuersissutit malillugit piginnaatitsissummik pigisaqartoq piginneqatigiiffiup uuliamik mingutsitsinissamut upalunaarsimaneq assigisaallu pillugit kiffartuussutinik isumaginninnissaa pillugu isumaqatigiissusiussasoq eqquutsitsillunilu, piginneqatigiiffik kiffartuussutinik taamaattunik isumaginninnissamut neqerooruteqarmat, akuersissummullu attuumassuteqarpata imaluunniit ingerlatat akuersissummut ilaappata.

Nr. 3 malillugu akiliisitsinermik pineqaatissineqassaaq siunnersuummi § 8, imm. 5, imaluunniit § 11, imm. 3 malillugit peqquneqarneq tunniunneqarsimasoq piaaraluni imaluunniit annertuumik mianersuaalliornikkut naammassinninngitsoortoq.

Aalajangersakkami eqqarsaatigineqassaaq oqartussat siunnersuut malillugu peqqussutit tunniunneqartut eqquutsinneqarnissaat sulianik isumaginninnissaannut qulakkeerinnissallutik pisariaqartuummat. Taamaammat peqquneqarneq sumiginnarneqarpat peqquneqarnermik tunineqartup akiliisitaanermik pineqaatissineqarneranik kinguneqarsinnaammat.

Imm. 2-mut

Aalajangerneqarpoq siunnersuut malillugu maleruagassanik aalajangerneqarsinnaasoq unioqquitsinermi akiliisitaanermik pineqaatissiineqarsinnaasoq.

Imm. 3-mut

Aalajangersakkami aalajangerneqarpoq inuk inatsisinut ilaasoq Kalaallit Nunaanni pinerluttulerinermut inatsimmi malittarisassat malillugit, pisuni Inatsisartut inatsisaanni imaluunniit inatsisitigut piginnaatitsissutit malillugit malittarisassani akiliisitaanermik pineqaatissiineqarsinnaasoq aalajangiineqarsimappat.

Imm. 4-mut

Aalajangersakkat malillugit imm. 1-3 malillugu eqqartuussutit Kalaallit Nunaanni Eqqartuussivimmut suliarinnittussatut siullertut tunniunneqarsinnaasut. Tamanna Kalaallit Nunaanni pinerluttulerineq pillugu inatsisinik eqqartuussiviit immikkut ilisimasaqartut isumaginninnissaannut malittarisassanit nalinginnaasunit uniuineruvoq, illoqarfinni eqqartuussiviit suliarinnittussatut siullertut aallaavittut isumaginnittussaasaraluarmata.

Imm. 5-imut

Aalajangersagaq malillugu akiliisitsinermi pineqaatissiissutit aningaasartai landskarsimut nakkartinneqartassapput.

§ 13-imut

Imm. 1-imut

Aalajangersagaq malillugu siunnersuutip atuutilerfigissavaa ulloq 1. juli 2012.

Imm. 2-mut

Aalajangerneqarpoq siunnersuut aatsitassanut inatsit malillugu akuersissutininut siunnersuutip atuutilereernerani tunniunneqartunut atuutissasoq, kiisalu akuersissutit taamaattut malillugit piginnaatitsissummik pigisaqartunut siunnersuut atuutissasoq.

Inatsisip kingumut atuutilersinneqarnissaa eqqartorneqanngilaq, ima paasillugu, siunnersuut ingerlatanut, iliutsinut imaluunniit inatsisip atuutileranerani pissutsinut allanut

atorneqalissasoq, aatsitassanut inatsit malillugu akuersissutit tunniunneqarsimasut eqqaassanngikkaanni.

Aatsitassanut inatsit malillugu akuersissutit tunniunneqarsimasut nalinginnaasumik piffissatigut akuersissutaasarput, ukiut 10 aamma 40-t akornanniikkajullutik. Akuersissutitut piffissaliussat sivilisungaaarsiartarnerat peqqutigalugu inatsisip piviusunngortinnissaa pisariaqarsinnaavoq imaluunniit siunertaqarsinnaavoq, taamaalilluni inatsisip atuutilerneranit akuersissutitut tunniunneqareersimasunut aammattaaq atorneqartussanngorlugu.

Siunnersuutip imm. 2-ata aatsitassanut inatsisip § 98, imm. 4-raata assingaa, tassani aalajangerneqarluni aatsitassanut akuersissutit inatsisip atuutilernerani tunniunneqartunut aatsitassanut inatsisip aamma naleqqussassagai.

Taamattaaq tunngavik assingusoq ikummatissanik misissuinissamut qalluinissamullu najoqqutatut akuersissutini atuuppoq, imm. 2801-imi aalajangerneqarmat, akuersissutit Kalaallit Nunaanni inatsisitigut malittarisassanik atuuttunik qaqugukkulluunniit malitsitsissasut. Tunngavik aamma assingusoq ikummatissat pillugit misissueqqaarnissamut assingiissaartumik piumasaqaatini imm. 1801-imi atuuppoq. Aatsitassat eqqarsaatigalugit misissuinissamut akuersissutitut assingiissaartumik piumasaqaatini tunngavik assingusoq imm. 1901-imi atuuppoq kiisalu misissueqqaarnissamut akuersissutitut assingiissaartumik piumasaqaatini imm. 1801-imi aalajangigaalluni.

Takussutissaq

Greenland Oil Spill Response A/S-imut tunngaviit niuerneramilu tunngaviit il.il.

1. Piginneqatigiiffimmik pilersitsinermut sammisassaanullu tunngaviit

Upalungaarsimanermut atortut amerlangaatsiartut Cairn Energymit pissarsiarissallugit Namminersorlutik Oqartussat Cairn Energymik isumaqatigiissuteqarsimapput. Taamaammat Namminersorlutik Oqartussat peqataanerannut aallaaviuvoq, Namminersorlutik Oqartussat pigisanik maanna aningaasarsiutigalugu atorluarneqarsinnaasunik pigisaqalermata, siunissarlu ungasinnerusooq eqqarsaatigalugu Kalaallit Nunaanni siuariartornissaannut ilapittuutaasinnaalluni. Piffissami aallarnisaaffiusumi Namminersorlutik Oqartussat piginneqatigiiffimmik piginnittuunissaat pisariaqarpoq. Taamaalilluni siunissami IBA pillugu isumaqatigiinniutigisarnissaannut atatillugu uuliamik maangaannartitsinermi upalungaarsimanissamut atortunik piginneqatigiiffinnit uuliasiortunit pissarsinissamik kissaatigisaat taamaalilluni Naalakkersuisut saqqummiussinnaavaat.

Taamattaq kalaallinut inuussutissarsiornermik ingerlataqartunut iluaqutaassaaq piginneqatigiiffik kalaallinit pigineqartoq niuerfimmi siullertut peqataalernissaa, qularnanngitsumillu ukiuni takkuttussani annertuumik ineriartortilluarneqassalluni. Kalaallit Nunaanni uuliamik imaluunniit gassimik aningaasarsiorfiusinnaasumik nassaartoqassappat piginneqatigiiffimmik pilersinneqareersimassammat Kalaallit Nunaannut iluaqutaassaaq, upalungaarsimanissamut sullissisarnermi pisariaqartitsineq annertusisussaammat.

Misissuinissamut piaanissamullu ingerlatat, tamakkununga ilaallutik aatsitassarsiornerup iluani sanaartornermi tunisassiornermilu ingerlatat, aatsitassanut inatsimmit aamma aatsitassarsiornermissamut akuersissutinit tulluussarneqarput. Inatsit akuersissutillu piginnaatitsissummik pigisaqartut akuersissut malillugu ingerlatassatik pillugit pilersaarutiniq nassiussisarnissaannut Naalakkersuisut piumasaqaatinik aalajangersaasinnaatippaat, tamakkununga ilaallutik uuliamik maangaannartitsinermi upalungaarsimanissamut pilersaarut Naalakkersuisuni akuersissanngorlugu nassiunneqartussaq.

2. Piginneqatigiiffimmu takorluukkat

Piginneqatigiiffimmu nalinginnaasumik takorluugaavoq, suliffeqarfiup uuliamik maangaannartitsinermi upalungaarsimatitatut tamakkiisumik ineriartortitatut inerisarneqarnissaa, nunat tamat assigiissaartumik malittarisassa at pitsaanerpaat malillugit 60° N-ip avannaani tamarmi kiffartuussutiniq atortunillu sullissisinnaasoq.

Tamanna ilaatigut makku aqutugalugit anguniarneqassaaq:

- Atortunik naammattunik uninngasuuteqalernikkut, ilaallutik angallatit, puttasut assersuutit, skimmerinik taaneqartartut, akuutissat attuumassuteqartut akiuinnermilu atortut

allat.

- Aaqjissuussineq tulluartoq inerisarneqassasoq, uuliamik maangaannartitsinerimi upalungaarsimatitat allat isumassarsiorfigalugit sulisussatut piareersimatitat ilarpassui aggersaasarnikkut isumaqatigiissutinik tunngaveqartut kiisalu kiffartuussinerimi isumaqatigiissutinik allanik tunngaveqartut.
- Imartani nillertuni sikoqartunilu uuliamik maangaannartitsinissamut akiuinermit tunngasuni ilisimatusarnerup nangeqqinneqarneranut peqataaneq.
- Global Response Networkimut ilanngunnikkut. Taanna piginneqatigiiffiit uuliamik maangaannartitsinerimi upalungaarsimatinneqartut nunarsuarmi annerit arfineq marluusut akornanni suleqatigiissitaavoq. Suleqatigiinnut ilanngunnermi piginneqatigiiffiup piginneqatigiiffinnik upalungaarsimasutut misilittagaqarluartunik suleqatigiinnermut peqataanissaa anguneqassaaq, kiisalu suleqatigiinni peqataasut kiffartuussutaannik atortuinillu allanik atuisinnaanermut, tamakkununnga ilaallutik upalungaarsimanermut atortut.

3. *Piginneqatigiiffiup suliassai*

Piginneqatigiiffimmut suliassaq nalinginnaasoq tassaavoq, Kalaallit Nunaanni aatsitassanik sammisaqarnermut atatillugu imartani uuliamik mingutsitsinerimi akiuinissamut isumalluutunik pilersitsinissaq sullissinernillu isumaginninnissaq.

4. *Piginneqatigiiffiup niuernikkut tunngavii il.il.*

Piginneqatigiiffiup niuernikkut tunngavigaa akiliuteqartitsilluni uuliamik maangaannartitsinerimi upalungaarsimanermut atortunik aatsitassanik akuersissutit malillugit piginnaatitsissutinik pigisaqartunut atortitsisarnissaq. Siunissaq ungasinnerusoq eqqarsaatigalugu suliffeqarfiup piginneqatigiiffittut uuliamik maangaannartitsinerimi upalungaarsimasutut tamakkiisumik ineriartortinneqarluni inerisarneqarnissaa, nunani tamani pitsaassutsit pitsaanerpaat malillugit sumiiffinni 60° N-ip avannaani tamarmi kiffartuussutinik sullissinernik kiisalu atortunik isumaginnissinnaasoq.

5. *Manna tikillugu Kalaallit Nunaanni uuliamik maangaannartitsinerimi upalungaarsimaneq*

Kalaallit Nunaata Kitaani imartani uuliamik ujaasilluni 2011-imi qillerinernut atatillugu Cairn Energy aatsitassanut inatsimmi piunasaqaatit malillugit uuliamik maangaannartitsinissamut upalungaarsimatitsinermik pilersitsivoq.

Cairn Energy upalungaarsimanermut pilersaarutaa Oil Spill Response Limitedimit (OSRL) ikiorneqarnikkut suliarineqarpoq, taanna piginneqatigiiffinni uuliamik maangaannartitsinerimi upalungaarsimasut nunarsuarmi siuttoraat. Taamattaq OSRL uuliamik maangaannartitsinerimi upalungaarsimanermut atortunik sullissinernillu saniatigut Cairn

Energyp pilersuisoraa. OSRL Tuluit Nunaanni, Bahrainimi aamma Singaporemi immikkoortortaqarpoq, taakkulu saniatigut Afrikami aamma Indonesiaimi aalajangersimasumik najuuffeqarluni, uuliamillu maangaannartitsinermik akiuineq eqqarsaatigalugu nunarsuarmi suliffeqarfiit annersaralugu. Piginneqatigiiffiup nunarsuaq tamakkerlugu suliaqarneranut ilaatigut aallaaviupput timmisartut tulluussakkat aaqjissuussamik inissitsiterneqarsimasut, taamaalilluni akiuinermi atortunik ajutoorfiusunut assartuisoqassatillugu kiisalu nakkutilliinermi suliassat ingerlanneqassagaangata pilertortumik sunniuteqartumillu suligasuartinneqarsinnaasut.

Uuliamik maangaannartitsinermik akiuinermi OSRL misilittagaqarluartuuvoq. Piginneqatigiiffik ukiuni kingullerni 25-ni uuliamik maangaannartitsinerni annertuuni tamangajalluinnarni akiuinermi peqataasarsimavoq, ilaatigut 2010-mi Mexicanske Golfimi Macondomi ajutoornerup kingorna saliinermi. Taamaalilluni OSRL uuliamik maangaannartitsinermi upalungaarsimanermut pilersaarusernerup uuliamillu mingutsitsinermik akuinerup iluani nunarsuarmi piginneqatigiiffiit siuttoraat. Taamattaq piginneqatigiiffik upalungaarsimanermi pilersaarutitut misilittagaqarpoq, ilaatigut qeqertap Sakhalinip eqqaani aamma Kaspiske Havip avannaatungaani. OSRL aamma Issittumi avatangiisini uuliamik maangaannartitsinermi upalungaarsimanermi misilittagaqalersimavoq, piginneqatigiiffiit uuliamik maangaannartitsinermi upalungaarsimasuutitat allat qanimut suleqatiginerisigut, tamakkununga ilaallutik Alaska Clean Seas imarpimmi Beaufortimi, Norgemi NOFO aamma Canadami ECRC. Tamakku saniatigut OSRL British Antarctic Surveymik siunnersuisuullunilu sungiusaasuvoq, Tuluit Nunaata Sikuijuitsumi Kujallermi ilisimatusarnikkut ingerlatsinermi akisussaasua.

Cairnip aamma OSRL-ip upalungaarsimatitsissutaat uuliamik maangaannartitsinerit annertuut passussinnaangorlugit piorsarneqarsimapput.

Uulia pillugu upalungaarsimanermut pilersaarutip isumalluutit Cairn aamma OSRL-ip uuliamik maangaannartitsisoqassagaluarpat akiuinermut piareersimatissinnaasaat nassuiarneqarput. Piareersimatitat qaffasissutsinut 3-nut agguarneqarput, tassaasut Tier 1, 2 aamma 3.

Upalungaarsimanermut kalerrisaarinernullu qaffasissutsit 3-nik immikkoortortallit nunarsuarmi tamarni akuerisaapput, danskillu sakkutuunit imarsiortunit atorneqarlutik, ilaatigut Grønlands Kommandomit. Tamakkununga ilaatigut ilaapput:

- Uuliamik annikitsumik maangaannartitsisoqarnerani (Tier 1) atortut OSRL'ip qilleriffiusuni angallatiniluunniit taakku eqqaanniittuni suliamik isumaginnittussatut aalajangersimasumik ikkussuussimatittarpaat.
- Akunnattumik annertussusilimmik maangaannartitsisoqartillugu (Tier 2) atortut OSRL-ip Aasianni, Kangerlussuarmi aamma Nuummi inissinneqarsimasut suliamik

isumaginnittussatut inissisimatippai.

- Annertuumik maangaannartitsisoqartillugu (Tier 3) OSRL'ip atortut Tuluit Nunaanni qitiusumik umiarsualivimmi Southamptonimi inissisimasut aamma piareersimatittarpai, tassanngaanniillu atortut sulisullu timmisartut assartuutit atorlugit Kalaallit Nunaannut ingerlanneqartussaallutik.

Uuliamik maangaannartitsinermi akiuinermi isumalluutininik suli amerlanerusunik pisariaqartitsisut pisinnaanerinut aallerinaatit killeqartorujussuupput. Uuliamik maqisoornerit taamaattut pilissagaluarpata, taama pisoqarsinnaanera eqqarsaatigalugu OSRL-ip uuliamik maangaannartitsinermi upalungaarsimanermut suleqatigiissut 6-it angisuut suleqatigineri aqutugalugit OSRL Global Response Networkimi (GRN) peqataavoq.

Uuliamik maangaannartitsinermik upalungaarsimanermi pilersaarummi uuliamik maangaannartitsineq pillugu Cairn Energy qanoq nalunaaruteqartassasoq qisuariaateqartassasorlu sukumiisumik nassuiarneqarpoq. Aatsitassanut inatsisip ataani pisortat upalungaarsimanermut komitéat (pisortani oqartussat arlallit ilaasortaaffigisaat, soorlu Grønlands Kommando, Politiit, Aatsitassanut Pisortaqarfik aamma Peqqinnissaqarfik) taakkulu suleriaasissaat taassuma assinganik iluarsaanneqarpoq. Upalungaarsimatitat taakku marluk arlaleriartumik peqatigiillutik sungiusartarsimapput, akunnerminni suleqatigiinneq qanoq innersoq misilinniarlugu. Tamakku naammanginartumik ingerlanneqarsimapput.

6. *Piginnegatigiiffiup niuernikkut aningaasaqarnikkullu najoqqutai*

Piginnegatigiiffik niuernikkut aningaasarsiornikkullu najoqqutat tunngavigalugit suliaminik ingerlatsissaaq, siunnersuutip malittarisassai, piginnegatigiiffiup maleruagassai kiisalu inatsisit aalajangersakkallu atuuttut allat malillugit piginnegatigiiffiup aqutsisuunit aalajangerneqartartussat.

Najoqqutamik aalajangiinermi najoqqutat assigiinngitsut arlallit eqqarsaatigineqarsinnaapput. Najoqqutap nassataraa piginnegatigiiffik piginnaatitsissummik pigisaqartumit akiliutinik pissarsinera, sullinneqarnermik pisaqartagaqartutut akiliummik aamma sammisami aalajangersimasumik akiliummik akilerneqarnikkut. Najoqqutaasinnaasup allap nassataraa, piginnegatigiiffik piginnaatitsissummik pigisaqartumit taamaallaat sammisamit aalajangersimasumit akiliummik pissarsisoq. Najoqqutaq siulleq aallaavittut atornerqartariaqarpoq, piginnegatigiiffiup ingerlataanut aningaasarsiornikkutat patajaassusermik pilersitsinissamut tunngaviliisussaammat. Najoqqutalli aappaat najoqqutarluunniit allarluinnaq atornerqartariaqarpoq, ataatsimut isiginnilluni piginnegatigiiffimmut taassumalu ingerlataqarneranut pitsaanerpaatut isumaqarfigineqartariaqarmat, soorlu siunnersuut malillugu siunertaanut eqquutsitsiniarnermut. Ataani najoqqutaq siulleq kisiat eqqartorneqarpoq.

Taamaalilluni piginnegatigiiffiup niuernikkut aningaasarsiornikkullu najoqqutaq aallaavittut

atortariaqarppaa, ilaatigut tamatuma nassatarissallugu, piginneqatigiiffik piginnaatitsissumik pigisaqartumit sullinneqarnissamik pigisaqartutut akiliutitut aamma ingerlatanik aalajangersimasunik akiliutitut akiliutit pissarsiarisassallugit.

Imartani ikummatissanik ingerlataqarnissamut akuersissutit malillugit piginnaatitsissummik pigisaqartut (misissueqqaarnissamut akuersissutit, misissuinissamut akuersissutit, piiaanissamut akuersissutit aamma ruujorikkut aqquusiinissamut akuersissutit) nalinginnaasumik aatsitassanik ingerlataqartuupput uuliamik mingutsitsinermik kinguneqarsinnaasunik sammisaqarlutik. Taamaammat pissutsit arlallit pitsaaqutigissavaat piginnaatitsissummik pigisaqartut piginneqatigiiffimmi uuliamik maangaannartitsinermut upalungaarsimatitami kalaallinit pigineqartumi sullinneqarnissamut pisartagaqartutut aalajangersimasumik pisussaaffilerlugit peqquteqartariaqarnerat, teknikkikkut aningaasarsiornikkullu unammillersinnaassuseqarpat.

Piginneqatigiiffiit uuliamik maangaannartitsinissamut upalungaarsimatitat allat assigalugit piginneqatigiiffiup aalajangersimasumik sulisunik ikittuinnarnik atorfeqartitsinissaa naatsorsuutigineqarpoq. Assersuutigineqarsinnaavoq canadamiut piginneqatigiiffiat ECRC, Canadap Kangianik sinerissami aamma Canadap Kangiani 60° N angullugu tatsini suliaqartitaasoq arfinilinnik upalungaarsimatitsiveqartoq, tamarmik immikkut piffissaq tamaat arfineq marlunnik aalajangersimasunik sulisoqartoq, saniatigullu qullersaqarfeqarluni piffissaq tamaat aalajangersimasunik arfinilinnik sulisoqartoq. Kalaallit Nunaanni piginneqatigiiffik tamakkiisumik suliaqarsinnaalersimasoq ECRC-p upalungaarsimanermi qullersaqarfianut assingusumik sulisoqarsinnaanera piviusorpalaarpoq, tamanna ukiut qulit ingerlanerini piviusumik anguneqarsinnaalluortoq.

Sulisut piffissaq tamaat aalajangersimasumik atorfilinnit arfineq marluusunit ECRC-p upalungaarsimanermut qullersaqarfianiittunit piffissaq tamaat atorfiit tassaakkajupput: Pisortaq 1, allaffissortoq 1, aserfallatsaaliisut 2, upalungaarsimanermilu sulisut 3. Taakku tassaannngillat biokemikerit, geofysikerit assigisaalluunniit, taamaallaalli atorfiit sulisunik upalungaarsimanermik ilisimasaqarluartunik inuttaqartinneqarput kiisalu sulisut teknikkikkut pikkoriffeqartut. Sulisut marluiit Kalaallit Nunaanni pissarsiassaapput, sulisussarsiarisallugillu periarfissaqarsinnaasut.

ECRC-mi sulisut sinneri aggersaasarnermik aaqqiissummik tunngaveqarput, Kalaallit Nunaanni ilisimaneqartutut, soorlu qatserisartut piumassutsimik sulisartut, taamaalilluni sulisut qatserisartoqarfinnit pissarsiarineqarsinnaaneri naatsorsuutigineqarpoq, aammali ilinniarsimasut ilinniarsimanngitsullu allat aaqqiissummut ajornaatsumik ilanngunneqarsinnaapput, ukiumut sapaatit akunnerini marlussunni pikkorissartinneqartarnissaat pisariaqartinneqassalluni. Tassani aggersaasarnermi aaqqiissut pineqassaaq, piareersimatitaaneq najoqqutaralugu kiisalu sungiusarnernut arlaannillu pisoqarnera tunngavigalugu akissariaqartinneqartartussat.

7. *Piginneqatigiifiup kiffartuussutaanut niuerfissat*

Misissueqqaarnernut akuersissutip, misissuinissamut piaanissamullu akuersissutip aamma ruujorikkut aqquassinissamut akuersissutit suliarineqareernerisa kingorna sammisat ingerlanneqartut assigiinngitsorujussuupput. Tamanna akuersissutinut assigiinngitsunut pingasunut sullissinermik pisartagaqarnermi akinut tulluuttariaqarpoq.

Misissueqqaarnissamut akuersissutit ukiut 5-t angullugit tunniunneqartarput. Ingerlatat misissueqqaarnissamut akuersissutip nalaani isumaginiarlugit kissaatigisat amerlassusii assigiinngiaartorujussuupput. Misissueqqaarnerit ilaat misissueqqaarnissamut akuersissummi piffissaq ukiut 5-t tamakkerlugit taamaallaat ataasiinnarmik ingerlatsiffiusarput. Akerlianik allat ukiut tamaasa arlallit angullugit amerlassuseqarsinnaallutik.

Misissuinissamut piaanissamullu akuersissutit (kisermaassilluni akuersissutit) manna tikillugu tunniunneqarsimasut ukiunut 10-nut tunniunneqarsimapput. Akuersissutini suliasatut pilersaaruteqartoqartarpoq aalajangersimasunik, piginnaatitsissummik pigisaqartup akuersissut pigiuassaguniuk ingerlattariaqagai. Taamaammatt akuersissutit taakku periarfissaasa iluanni ingerlatat isumagineqartut amerlassusii annertussusiilu patajaatsorujussuupput, ingerlatanut misissueqqaarnissamut akuersissutit periarfissaasa iluini isumagineqartartunut sanilliullugit.

Manna tikillugu ikummatissanik imartani ruujorinik ingerlaartitsivissatut aqqutinik pilersitsinissamut ingerlatsinissamullu akuersissunik tunniussisoqarsimanngilaq. Ikummatissanik qalluinissamut pilersaarummik akuersinermi ruujoritigut sanaartukkanik pilersitsinissamut ingerlatsinissamullu, qalluiffimmut imaluunniit qalluiffimmit ilaatigut ikummatissanik ingerlaartitsinissamut atorneqarsinnaasunik Naalakkersuisut akuersissummik tunniussisinnaapput. Ruujorikkut aqqutip pilersinneqareernerani ingerlatilerneranilu ikummatissanik assartuinnermut ingerlaavartumik atorneqassaaq. Taamaalilluni ruujorikkut aqqummut taamaattumut akuersissutini periarfissaasa iluini ingerlatat annertussusii patajaatsorujussuussapput, misissueqqaarnissamut akuersissutit periarfissaasa iluini ingerlanneqartunut naleqqiullugit.

Akuersissutit pingasut assigiinngitsut akornanni assigiinngissutsit ukiumoortumik sullinneqarnissamut pisartagaqarnerit akiini ersittariaqarput. Assersuutigalugu misissueqqaarnissamut akuersissutit 50.000 kr.-inut aalajangerneqarsinnaavoq kiisalu misissuinissamut piaanissamullu akuersissutit 100.000 kr.-inut tagginneqarlutik. Taakku assersuutaannaapput. Akit piginneqatigiifiup nammineq aalajangissavai, tamakkununnga ilaallutik akit akornanni amerlassutsikkut naleqqiussat, tamanna pillugu siunnersuutip malittarisassai malillugit. Taamaalilluni akit allarluinnaat, ilaallutik akit akornanni amerlassutsinut naleqqiussat allat, aalajangiunneqarsinnaapput.

Akit amerlassusii ataatsimut isigalugit niuernermit akit sullissinerullu qaffasissusia aallaavigalugit aalajangerneqartariaqarput. Akilli amerlassusii piginneqatigiiffiup ingerlanneqarneranut siunniussanut tulluuttariaqarput, taamaalilluni ingerlatsineq sinneqartoortussaalluni, aningaasallu tigorianaanaat piginneqatigiiffiup pilersinneqarneraniit ingerlaannartumik naammattuusariaqarlutik, taamaalilluni piffissami aallarnisaaffiusumi imaluunniit kingorna ingerlatsinerup nalaani aningaasaliissuteqarnissamut pisariaqartitsineqalertariaqarani.

Piginneqatigiiffiit uuliamik maangaannartitsinissamut upalungaarsimasut nunarsuarmi amerlasuujupput. Piginneqatigiiffiit ilaat sullinneqarnissamut pisartagaqarnernut aalajangersimasumik akeqartitsinngillat, taarsiulluguli maangaannartitsinissamut aarlerinaatit nalilersorneri tunngavigalugit ilaasortaannermut ataasiakkaartunut akeqartitsineqarluni. Piginneqatigiiffiit ilaat ilanngunnermut akiliutinik akiliisitsisarput, ukiumoortumik pisartagaqartitsinerit arlaannit amerlanerukkajuttartunik. Najoqqutaq allarluinnaq Canadami atornerqarpoq. Angallatinut qilleriffinnullu Canadap imartaani suliaqartunut tamanut piginneqatigiiffimmi upalungaarsimasumi pisartaqarnermi aaqqiissummut ilanngunnissaannut inatsisitigut pisussaaffiliineqarpoq. Canadami aallaqqaammut pisartagaqarnermi ukiup affaanut 3.400 kr.-it missaannik akiliisoqartarpoq. Taassuma saniatigut aarlerinaatit tunngavigalugit akiliisitsineqartarpoq, tassani apeqqutaallutik angallatip imaluunniit qilleriffiup uulia qanoq annertutigisoq usigineraat, kiisalu nunap sukutsitaani suliaqartoqarnerseq. Taamaalilluni piginneqatigiiffimmut uuliamik maangaannartitsinermit upalungaarsimasumut akitigut najoqqutaasinnaasut arlaqarput.

Sullissinerilli piginneqatigiiffiup ukiumi siullermi isumagisinnaasutut naatsorsuussai eqqarsaatigigaanni aningaasalersuinissami najoqqutassat paasiuminaatsut atornerqarnissaat naammaginaranilu iluaqutaasinnaangilaq. Tamanna paasinarsaanissamut amigaateqarnermut ilapittuutaasinnaavoq, akillu eqqortut akileqquneqartut pillugit ilisimasaqarnissaq piginneqatigiiffinnut uuliamik sammisaqartunut ajornakusoortitsissalluni.

Piginneqatigiiffiup aallarnisarneqarnerata nalaani upalungaarsimanissamut tamakkiisumik sullissisinaanermik neqerooruteqarsinnaassanngilaq, taamaattorli taamaallaat upalungaarsimanermut atortunik amerlasuunik Kalaallit Nunaanni pissarsineqarsinnaassalluni.

Taamaammatt najoqqutatut periarfissaasinnaavoq piginnaatitsissummik pigisaqartoq Kalaallit Nunaanni aatsitassanik ingerlatsinermit isumaginnittoq nunarsuarmi suliffeqarfimmik upalungaarsimanermik suliaqartumik kalaallit piginneqatigiiffianik upalungaarsimanermi atortut ilaannik saniatigut pilersuisutut atugaqartumik isumaqatigiissuteqarnissaa periarfissaalluni. Tamanna susasaqartunut tamanut pilerinarsinnaavoq, piffissaq atortunik pissarsiffissaq sivikitsuussammat, taamallu suliffeqarfiup upalungaarsimasup isumalluutinik

aallarussinissaq tamakkulu Kalaallit Nunaannut uninngatinnissaat pinngitsoortissallugu.

Siunertarineqarpoq atortut amerlassusii piginneqatigiiffimmit pigineqartut piffissap ingerlanerani amerliartortinneqassasut, taamaalilluni piginneqatigiiffik niuernermini annertussusia ima qaffasitsigilissalluni uuliamik maangaannartitsinerit annertunerusut piginneqatigiiffiup kisimiilluni isumagilersinnaalissallugit.

Uninngasuutitigut naammassisinnaasat sullissinernillu neqeroorutit qaffatsinniarnissaat IBA-mik isumaqatigiissutissanik isumaqatiginninniarnertit anguniarnerisigut, aappaatigullu piginneqatigiiffiup nammineq ingerlatsinera ineriartortitsinikkut siuarsarneqarneratigut.

8. *Sullitat piginneqatigiiffiup kiffartuussutaanut pisariaqartitaat*

Piginneqatigiiffiup kiffartuussutaasa piginnaatitsissutinik pigisaqartut makkuninnga pisariaqartitsinerat ilaatigut naammassisinnaavai:

- Uuliamik maangaannartitsinermit upalungaarsimanermut pilersaarummik aamma uuliamik maangaannartitsinermit upalungaarsimanermik aaqqiinissamut aatsitassanut inatsisip piumasaqaataasa eqquutsinnissaannut peqataanissaq.
- Sullissinermi inuit suliffeqarfiillu Kalaallit Nunaanneersut atortarnissaat pillugu aatsitassanut inatsimmi piumasaqaatit tapersernissaat, tamakku teknikkikkut aningaasarsiornikkullu unammillersinnaassusiat apeqquataatillugu.
- Piginnaatitsissutinik pigisaqartut upalungaarsimanermi sumiiffikkaani upalungaarsimatitanik ataqatigiissaarinissaannut periarfissillugit, taamaaliornikkut upalungaarsimanermi atortutunut aningaasartuutit katinneri ikilisinneqassammata.
- Akiuinermit atortunik pissarsisinnaaneq pilertornerusoq qulakkeerlugu.
- Uuliamik mingutsitsinermik akiuineq aamma uuliamik mingutsitsinerup kingorna avatangiisinik saliineq pilertornerusoq taamaalillunilu aamma sunnuteqarnerusoq qulakkiissallugu.

9. *Ineriartortitsinissamut periarfissat*

Ataatsimut isigalugu uuliamik maangaannartitsinermit upalungaarsimanermi sammisaqartut ukiuni makkunani siuariartorput. Tamatuma kinguneraa atortunik nutaanik tunisassianik suleriaatsinillu ineriartortitsinermut aningaasaliissuteqartarneq annertungaatsialersimammat. Siuariarnermut 2010-mi Den Mexicanske Golfimi uuliamik mingutsitsilluni ajunaarnersuaq ilaatigut peqqutaasinnaavoq.

Tamatumunnga atatillugu pissutsit marluk piginneqatigiiffiit niuernermit tunngaviinik immikkut nukittorsaapput:

- Uuliamik maangaannartitsilluni ajutoornerit annertuut akiorsinnaanissaannut piginneqatigiiffiit uuliasiortut kissaateqarnerat. Tamanna piginneqatigiiffinni kattuffinnilu

upalungaarsimasunut peqataalersunik amerlisaavoq kiisalu ilisimatusarnernik nutaanik atortunillu nutaanik aningaasaliissuteqarnernut kinguneqarluni.

- Oqartussat kissaatigaat isumannaatsumik upalungaarsimatitsinissaq, uuliamik mingutsitsinermi pilertortumik sunniuteqartumillu akiuisinnaaqullugu, taamaalilluni avatangiisinut sunniutit kiisalu inooqatigiinnikkut pitsaanngitsumik kinguneqartitsinissaq minnerpaaffianiitinniarlugit, tamakkununga ilaallutik inuussutissarsiutit arlallit iluini isertitanik annaasaqarnissaq pinngitsoortinniarlugu, soorlu aalisarnerup, takornariartitsinerup minnerunngitsumillu aatsitassarsiornermik inuussutissarsiutini.

10. Piginneqatigiiffiup namminersortunngortikkiartuaarnissaanut anguniakkat

Piginneqatigiiffiup ineriartortinnissaanut anguniakkat arlallit siunnersuummi eqqartorneqarput. Maani anguniagaq pingaarneq ataaseq taamaallaat taaneqassaaq, tassa Namminersorlutik Oqartussat piginnittuunerat naafferartumik annikillisinneqartariaqartoq naggataatigullu taamaativilluni.

Siunnersuut malillugu piginneqatigiiffik 1. januar 2016-ip kingorna namminersortunngortinneqariartuaassaaq, piginneqatigiiffimmi aktiaatit 2/3-ii angullugit allanut tunineqarsinnaallutik. Ulloq 1. januar 2018-ip kingorna aktiaatit 2/3-ii angullugit tunisisinnaapput kiisalu 1. januar 2020-p kingorna piginneqatigiiffik tamakkiisumik namminersortunngortinneqarsinnaalluni.